





資治通鑑綱目卷之四十二

起丁酉唐中宗嗣聖十四年凡十七年

十四年周武氏神

春正月帝在房州

質實

房州注是漢獻帝建安二十四

年房陵 ○三月周總管王孝傑與契丹戰敗死武攸宜不敢

進質實

契丹東胡種名注見晉安帝義熙二年

○周立突厥默啜為可汗

突厥默啜請為其女求婚太后遣閭知微田歸道用拜

默啜為遷善可汗知微見默啜舞蹈歸道長揖不拜默

啜因歸道將殺之歸道辭色不撓乃捨之但留不遣初

唐處突厥降者於豐勝靈夏朔代六州至是默啜求之

及單于都護府之地并殺種繪帛農器鐵姚瑋揚再思  
請給之鳳閣侍郎李嶠曰此所謂借寇兵資盜糧也不  
如治兵以備之瑋等固請乃悉驅六州降戶數千帳并  
給穀種四萬斛雜絲五萬段農器三千事鐵數萬斤并  
許其婚默啜由是益彊歸道得還與知微爭論於太  
后前歸道以為默啜必負約知微以為和親必可保質

酉丁



**實**

**突厥**北狄國名注見梁武帝大同十一年可汗夷狄

君長號注見漢後主景耀四年豐勝靈夏朔代六州

豐注見漢宣帝甘露二年五原勝注見隋文帝開皇十

九年靈注見太宗貞觀二十年夏注見漢武帝元朔元

夏四月周鑄九鼎成

九鼎成置通天宮豫州鼎高丈八尺受千八百石餘州

高丈四尺受千二百石各圖山川物產於其上共用銅

五十六萬七百餘斤令宰相諸王帥

宿衛兵十餘萬人自玄武門曳入

豫州注見漢光武建武十九年

**書法**三年書鑄大儀矣八年書鑄天樞矣於是復書

周以王及善為內史

王及善已致仕會契丹作亂起為滑州刺史太后召見

問以朝廷得失及善陳治亂之要十餘事太后曰外州

未事此為根本知質實王及善邯鄲人滑州注

知之

知之有美妾曰碧玉武承嗣奪之知之作綠珠怨詩以

寄之碧玉赴井死承嗣得詩於裙帶大怒詆酷吏羅告

族誅**集覽**綠珠晉石崇有妓妾名綠珠孫秀求之弗得

乃勸趙王倫誅崇綠珠遂自投於樓下死之

**質實**羅告注見**發明**喬知之族誅而綱目止以殺書者何哉知之溺

蓋怒周所以惡喬也其旨微矣



周來俊臣伏誅

來俊臣倚勢貪淫士民妻妾有美者百方取之前後羅織誅之不可勝計自言才比石勒監察御史李昭德素惡之俊臣遂誣昭德謀反下獄又欲羅告諸武及太平公主與皇嗣廬陵王南北牙同反諸武及太平公主發其罪繫獄有司處以極刑奏上三日不出王及善曰俊臣國之元惡不去之必動搖朝廷吉項曰俊臣聚結不逞誣構良善賊賄如山冤魂塞路國之賊也何足惜哉太后乃下其奏昭德俊臣同棄市時人無不痛昭德而快俊臣仇家爭啜其肉士民相賀曰自今眠者皆始帖席矣俊臣方用事選司受其屬請不次除官者每銓數百人俊臣敗侍郎皆自首太后責之對曰臣亂國家法罪止一身違俊臣語立見滅族太后乃赦之亂國覽南此牙唐分宰相為南司故稱南牙官寺為北司故稱北牙

**質實** 石勒武鄉人有兵割據都襄國自稱趙王不逞注見梁武帝大清三年棄市注見秦始皇三十四年

**書法** 武氏殺人多矣自永徽書房遺愛以後四十四年無書伏誅者武氏所殺多非罪也於是始書

契丹軍潰斬孫萬榮以降

來俊臣後書閻知微俊臣誣陷善人知微受虜偽號皆大罪人也故特書誅

**發明** 武氏殺人多矣獨俊臣死得其罪故以伏誅書之雖然時監察御史李昭德與俊臣同死綱目何以畧而不書曰武氏亂唐大夫士稍知愛重者必有以自處其身矣至駢首受戮故綱目於武氏殺戮之事或書或不書其書之者所以著武氏之惡其不書者所以示不滿時人之意此固書法之深旨君子所當加察者也

武懿宗軍至趙州聞契丹將至冀州懼而南遁契丹遂屠趙州孫萬榮於柳城西北依險築城留其老弱婦女引精兵寇幽州突厥默覲襲其新城三日克之盡俘以歸時萬榮方與唐兵相持軍遂大潰奴斬其首以降餘衆降於**質實** 趙州注見漢景帝三年趙國冀州注見秦突厥二世二年信都柳城注見漢獻帝建安十三年幽州注見高祖武德四年



周以武承嗣武三思同三品○周遣武懿宗等安撫河北

武攸宜自幽州凱旋制以契丹初平命武懿宗妻師德

狄仁傑分道安撫河北懿宗所至殘酷奏請族誅河北

百姓不勝賊者左拾遺王求禮廷折之曰此屬素無武備

數十萬望風退走賊徒滋蔓又欲移罪於草野註誤之

人為臣不忠請先斬懿宗以謝河北懿宗不能對司刑

卿杜景儉亦曰此皆脇質實王求禮許州人註誤注

從請悉原之太后從之質實見漢元帝建昭二年

秋九月周以魏元忠為肅政中丞

太后謂侍臣曰頃者周興來俊臣按獄多連引朝臣云

其謀反朕使近臣就獄引問皆自承服朕不復疑今自

侍郎姚元崇對曰比來坐謀反死者率皆興等邪夏官

心興等伏誅臣以百口為陛下保何敢動搖今賴天啓聖

反者矣時人多為魏元忠訟質實羅織注見景龍元年

寬太后復召為肅政中丞質實羅織注見漢光武建

武二十七年

冬閏十月以狄仁傑同平章事

仁傑上疏曰天生四夷皆在先王封畧之外故東拒滄

海西阻流沙北橫大漠南阻五嶺此天所以限夷狄而

隔中外也今三代聲教之所不及者國家盡兼之矣若

復邀功絕域不務安人此秦皇漢武之所行非五帝三

王之事業也近者頻歲出師西戍四鎮東戍安東調發

日加百姓虛弊今關東饑饉蜀漢逃亡人不復業相率

為盜本根一搖憂患不淺昨貞觀中克平九姓復立思

摩使統諸部得推亡固存之義無遠戍勞人之役此近

日之令典經邊之故事也竊謂宜立斛瑟羅委之四鎮

繼高氏絕國使守安東省軍費於遠方并甲兵於塞上

使夷狄無侵侮之患則可矣何必窮其窟穴與螻蟻校

長短哉但當敕邊兵謹守備遠斥候聚資糧待其自致

然後擊之逸待勞則戰士力倍以主禦客則我得其

便堅壁清野則寇無所得如此數年可使三虜不擊而

服矣時蜀州每歲遣兵戍姚州荒外以為州未嘗得其

州刺史張東之上言姚州荒外以為州未嘗得其鹽



布之稅甲兵之用而空竭府庫驅率平人受役蠻夷肝  
腦塗地臣竊為國家惜之請并廬南諸鎮一切廢省置  
閑廬北非奉使者無得納集覽斛瑟羅名也姓阿史那氏  
交通往來疏奏不納集覽嗣聖三年太后以為繼往  
絕可質實待滄海即東海神僊傳麻姑為王方平言自接  
汗七年流沙河名注見漢元帝初元三年五嶺注見秦  
武皇三十二年四鎮注見德宗建中二年安東鎮名注  
見漢武帝元封二年漢宣帝黃龍元年高氏絕國高氏謂  
年推亡固存注見漢宣帝黃龍元年高氏絕國高氏謂  
高踵之後注見漢武帝元封二年蜀州注見宋文帝元嘉九  
年崇慶一統志云姚州本滇國地漢初為弄棟縣屬益  
州郡東漢改為楛棟縣蜀漢屬雲南郡唐麟德初置姚  
州都督府宋時以其民多姓姚故名天寶中南詔蒙氏改為  
弄棟府宋時段氏改為姚州故名天寶中南詔蒙氏改為  
復改置姚州屬大理路天曆間陞為姚安路廬北廬水初  
改路為府後又改姚安軍民府隸雲南道廬北廬水初  
北注見漢後主建具  
五年廬南注亦同上

**書法**

仁傑進用例書周以恒辭也此其不書周何仁  
傑心乎唐者也自仁傑相而中宗始有詣行宮仁  
之召綱目於其始相特不書周所以表其為唐也故  
終太后之世惟狄仁傑同平章事不書周惟張柬之  
同平章事不書周皆心乎唐者也他日帝既在東都  
周之復為唐已決則書周以狄仁傑兼納言無嫌矣

**周以李嶠知天官選事**

始置負外  
官數千人

**十五年** 周武氏聖 春三月帝還東都

武承嗣三思營求為太子狄仁傑從容言於太后曰太  
宗擢風沐雨親冒鋒鏑以定天下傳之子孫大帝以二  
子託陛下陛下親今乃欲私之他族無乃非天意乎且姑  
姪之與母下子執親陛下欲私之則千秋萬歲後配食太廟  
立姪則未聞姪為天子而附姑於廟者也太后曰此朕  
家事卿勿預知仁傑曰王者以四海為家四海之內何  
者不為陛下預家事况元首股肱義同一體臣備位宰相  
豈得有預不預知乎因勸太后召還廬陵王太后意稍

戕







之諫曰自古未有中國親王娶夷狄女者由是忤旨出  
刺合州延秀至突厥默啜謂曰我欲以女嫁李氏安用  
武氏將兵輔立之乃拘延秀以知微為南面可汗言欲  
使之主唐民也發兵寇焉且我州移書數朝廷曰與我  
蒸穀種器行濫帛踈惡且我州女當嫁天子兒武氏  
小姓門戶不敵罔冒為婚我為此起兵欲取河北耳河  
北諸州聞之爭發民脩城衛州刺史敬暉曰吾聞金湯  
非粟不守柰何捨收獲而事集覽器行濫器物不牢而  
城郭乎罷使歸田百姓大悅

**集覽** 器行濫器物不牢而  
行藏音義曰不牢曰行若惡曰窳  
年真陽合州注見漢光武建武十一年墊江媯檀等州  
媯注見晉懷帝永嘉五年廣寧檀本秦漢時漁陽郡地  
後魏置密雲郡領白檀要陽密雲三縣兼置安州北齊  
廢郡以二縣併入密雲縣後周改安州曰玄州隋初置  
檀州後改為安樂郡唐初復置檀州遼為武威軍宋號  
橫山郡金復改檀州元仍舊本朝初改為密雲縣屬  
順天府衛州注見秦莊襄王二年汲敬暉絳州平陽人  
可汗夷狄君長號注見漢後主景耀四年金湯非粟不

守注見太宗  
貞觀十七年

### 周以狄仁傑燕納言

太后命宰相各舉尚書郎一人仁傑舉其子光嗣拜地  
官貞外郎已而稱職太后喜曰卿足繼和矣矣通事舍  
人元行冲傳學多通仁傑重之行冲數規諫仁傑且曰  
凡為家者必有儲蓄脯醢以適口參朮以攻疾僕竊計  
明公之門珍味多矣行冲請備藥物之末

**集覽** 足繼和  
仁傑笑曰吾藥籠中物何可一日無也

襄二年晉中軍尉和奚請老晉侯問焉和奚舉其子  
和午以自代君子謂和奚於是能舉善矣立其子不為  
比今狄仁傑舉其子光嗣而稱職足可繼和奚不比之  
美矣參朮本草入參味甘微寒溫丹參沙參皆味苦  
微寒苦參味苦寒玄參味甘微寒爾雅木山薊注木  
一名山薊今木似薊而生山中白朮味苦甘溫蒼朮味  
苦甘

**質實** 一統志云和奚晉人悼公時為中軍尉請老公  
問代之者稱解孤其離也孤卒又問對曰臣之  
子午也可羊舌肸死公問孰可代之君子謂奚稱其離不  
是使和午為中軍尉羊舌赤佐之君子謂奚稱其離不



為諂立其子不為比舉其偏不為黨平公立起奚  
為公族大夫納言官名注見漢靈帝光和元年

周以武攸寧同三品○九月突厥陷趙州周刺史高叡死

之  
默啜圍趙州長史唐般若翻城應之刺史高叡與妻秦  
氏仰藥詐死虜與詰默啜默啜以金獅子帶紫袍示之  
口降則拜官不降則死叡顧其妻妻曰酬報國恩正在  
今日遂俱閉目不言再宿虜乃殺之虜退唐般若族誅  
贈叡冬官尚書集覽唐般若唐姓也名質實翻城猶言踰  
書謚曰節集覽般若般若音撥若

兆萬人

**書法**

許欽明不書周不以周之臣累之也高叡以死  
節書其過欽明多矣書曰周刺史何帝在東都  
則周之為唐決矣  
雖書周無嫌也

周武氏以帝為皇太子河北道元帥狄仁傑副之以討默

啜

皇嗣固請遜位於廬陵王太后許之立為太子復名顯  
賜姓武氏命太子為河北道元帥以討突厥先是募人  
月餘不滿千人及聞太子為帥應者雲集未幾數盈五  
萬時太子不行命仁傑知元帥事王及善請太子赴外  
朝以慰人心從之突厥盡殺所掠趙定男女萬餘人而  
去仁傑將兵追之不及默啜還漠北擁兵四十萬據地  
萬里西北諸夷皆附質實趙定二州名趙注見漢景帝  
之有輕中國之心質實三年趙國定注見周威烈王

一十三年中山

**書法**

皇太子書立恒也未有書以者書以為皇太  
子何帝矣而為太子非所以也故不從恒辭

周以蘇味道同平章事

味道在相位依阿取容嘗謂人曰處事不宜  
明白但模稜持兩端可矣時人謂之蘇模稜集覽摸稜  
捫摸也稜廬登及四方木摸之可左可右倉載曰  
味道為相或問其變和之道無答但以手摸床稜



冬十月周以武懿宗武攸歸領屯兵○周以狄仁傑為河北道安撫大使

時河北人為突厥所驅迫者虜退懼誅往往亡匿仁傑上疏曰邊塵暫起不足為憂中土不安此為大事諸為突厥契丹脇從之人皆是計逼情危且圖賒死今且潛竄山澤露宿草行罪之則眾情恐懼怨之則反側自安伏願曲救河北諸州一無所問制從之仁傑於是撫慰百姓得突厥所驅掠者悉還本買散糧運以賑貧乏脩郵驛以濟旋師自食疏糲禁其下不得侵擾百姓犯者必斬河北遂安胡氏曰陳子昂諫說武氏其論亦美而或者譏其失言謂武氏不可與言而言也狄公不幾與子昂比乎曰人之語默行止有事同而情異者此屬是也武氏已老太子既在東宮天下必復歸唐狄公所為懇懇恐百姓虛弊根本搖動為唐計耳

**東宮**注見宋文帝元嘉二十七年

周以姚元崇同平章事○周閻知微伏誅以田歸道為夏

**官侍郎**

默啜縱知微使還太后命磔於天津橋南使百官共射之夷其三族擢歸道為夏官侍郎甚見親委

**集覽**

磔音陌反裂也裂其支體而殺之史記磔作砒

**質實**天津

正義音貯格反索隱曰砒與磔同古今字異耳

十一月周以豫王旦為相王

**質實**

相州名注見漢元帝建昭二年魏郡

**書法**

旦嘗為皇嗣矣於是廢之則不書廢何不予武氏之立之也故旦終始書豫王自皇帝廢為皇嗣書以自皇嗣廢為相王亦書以

○周置控鶴監

控鶴監皆嬖寵之人頗用才能文學之士田歸道李迥秀薛稷負半千以參之半千以古無此官請罷之遂忤旨**集覽**負半千負王問**質實**李迥秀涇陽人大亮族左遷**集覽**反姓也名半千



孫貞半千齊州全節人左  
遷注見漢宣帝元康二年

十二月周以魏元忠同平章事。周貶宗楚客為播州司

馬質實 播州注見漢武帝元光五年牂牁

十六年 周武氏聖 春正月帝在東宮。二月周遣使禱少

室山

太后不豫遣給事中閻朝隱禱少室山朝隱自 **集覽** 牲

為犧牲沐浴伏俎上請代太后命太后厚賞之 **集覽** 牲

祭天地宗廟之牲曰犧卜得吉日牲記曲禮天子以犧

吐蕃贊波弓仁降周

初吐蕃贊普器弩悉弄尚幼論欽陵兄弟用事皆有勇

畧諸胡畏之欽陵居中秉政諸弟握兵分據方面贊婆

常居東邊為中國患者三十餘年器弩悉弄浸長陰與

大臣論巖謀誅之會欽陵出外贊普殺其親黨二十餘

人欽陵自殺贊婆帥所部千餘人 **集覽** 贊婆欽陵長弟

欽陵子弓仁以所統七千帳來降 **集覽** 名論巖巖名也

論注見嗣 **質實** 吐蕃西羌屬名注 聖十七年

**書法** 突厥默啜遣使請降不書周不為周降也此其

降周無 嫌也

帝及武攸暨等誓于明堂

太后自以春秋高慮身後太子與諸武不相容命太

子相王太平公主與武攸暨等誓於明堂銘之鐵券 **集**

**覽** 太子相王太子謂中宗也相王即豫王旦 **鐵券** 漢書

高祖與功臣剖符作誓冊書鐵券注謂以鐵鑄之朱

書字也國之所以示信後唐明宗問趙鳳曰帝王賜 **質**

**實** 明堂注見漢武 帝建元元年



秋八月周以王及善為文昌左相

內史王及善雖無學術然清正難奪有大臣之節張易之兄弟每侍內宴無復人臣之禮及善屢以為言太后不悅謂及善曰卿高年不宜更侍遊宴及善遂乞骸骨太后不許以為左相罷政事

周納言婁師德卒考證仕當分註謚曰貞謹按武氏之亂忠賢卒成巨復之功者惟狄仁傑一人耳然而薦仁傑者婁師德也况師德寬厚清慎盛德長者卒謚曰貞非虛美之稱故當註其謚云

師德在河隴前後四十餘年恭勤不怠民夷安之性沉厚寬恕狄仁傑入相也師德實薦之而仁傑不知意頗輕之太后嘗問仁傑曰師德賢乎對曰為將能謹守邊陲賢則臣不知又曰師德知人乎對曰臣嘗同僚未聞其知人也太后曰朕之知卿乃師德所薦也亦可謂知人矣仁傑既出嘆曰婁公盛德我為其所薦也亦可謂吾不得窺其際也是時羅織紛紜師德質實河隴謂河父為將杜獨能以功名終人以是重之西隴右注

見漢靈帝中平三年

周以武三思為內史○河溢

漂千餘家

周以韋嗣立為鳳閣舍人

太后稱制以來學校所廢酷吏所陷親友流離未獲原宥嗣立上疏曰時俗浸輕儒學先王之道德弛靡不講宜令三公以下子弟皆入國學不聽以他岐仕進又酷吏乘間殺人求進至如仁傑元忠枉遭按鞫亦皆自誣非

陛下明察則已為道醢矣今陛下升而用之皆為良輔臣恐明察之負寃得罪者亦皆如是伏望一皆昭洗死者追復官爵生者聽還鄉里如此則天下皆知昔之枉濫非陛下之意幽冥歡欣和氣感通矣不從嗣立承慶之

異母弟也母王氏遇承慶甚酷每杖承慶為鳳閣舍人以請代母不許輒私自杖母為稍寬承慶為鳳閣舍人以疾去職嗣立時為萊

集覽 萊也醢肉醬也前漢刑法志



流其骨肉於市注菹謂醢也戰國策不避菹醢之  
誅注高誘曰言判斷之如此耳萊蕪縣名屬泰山  
[韋嗣立]陽武人思謙之子一統志云萊蕪漢之縣名屬  
泰山郡本春秋時夾谷地魏移治羸縣隋屬魯郡唐屬  
淄州尋省入傳城縣後復置屬兗州宋初因之後又增  
置萊蕪監金廢監以縣屬泰安州元仍舊本朝因之  
改屬濟南府

突厥默啜以其子匭俱為小可汗

默啜立其弟咄悉匭為右廂察骨篤祿子默知為左廂  
察各主兵二萬餘人其子匭俱為小可汗位在兩察上  
主處木昆等十姓兵四萬  
餘人又號為拓西可汗

冬十一月周貶吉頊為安固尉

太后以頊有幹畧以為同平章事委以腹心頊與武懿  
宗爭趙州之功於太后前頊岸辯口懿宗短小偃僂  
項視懿宗聲氣凌厲太后由是不悅曰頊在朕前猶卑  
諸武况異時詎可倚邪他日頊奏事方援引古今太后

怒曰卿所言朕飲聞之無多言昔太宗有馬一肥逸無能  
馭者朕為宮女進言曰妾能制之然須三物一鐵鞭二

鐵棍三七首鞭之不服則搯其首搯之不服則斷其喉  
太宗壯朕之志今日卿豈足汗朕七首邪頊皇則恐謝諸

武因共發其弟冒官事由是坐貶辭曰得召見涕泣言  
曰臣未辭闕庭願陳一言太后問之頊曰合水土為泥

有爭乎太后曰無之又曰分半為佛半為天尊有爭乎  
曰有爭矣頊頓首曰宗室外戚各當其分則天下安今

太子已立而外戚猶為王此陛下驅之使他日必爭兩  
不得安矣太后曰朕亦知之然業已如是不可如何

集覽 魁岸雄傑貌前漢江充為人魁岸注魁岸大也岸者  
有廉稜如崖岸之形偃僂偃於武也背曲也僂力

矩反偃也廣韻注偃僂不伸也莊子一命而偃質實  
再命而僂也林希逸口義云偃背曲也僂曲也

志云安固晉之縣名屬臨海郡太康初析置始陽縣尋  
改曰橫陽隋省之唐復置安固縣乾元中改為平陽縣

宋因之元陞為州本朝初復改為縣屬温州府爭趙  
州之功事在嗣聖十四年然業已如是業已注見漢王

邦元年



十二月周同平章事陸元方罷

太后問元方以外事對曰臣備位宰相有大事不敢不  
以聞人問細事不足煩聖聽昔遂罷元方為人清謹  
再為宰相太后每有遷除多訪之元方密封以進  
臨終悉焚其藁曰吾於人多陰德子孫其未衰乎  
陸元方蘇州吳縣人餘慶從子

周以狄仁傑為內史

太后幸三陽宮有胡僧邀車駕觀葺舍利太后許之仁  
傑跪於馬前曰佛者戎狄之神不足以屈天下之主彼  
胡僧詭譎直欲招置萬乘以惑遠近之人  
耳太后中道而還曰以成吾直臣之氣  
宣在河南府登封縣唐聖曆中所建舍利  
育王造釋迦真身舍利塔注釋如佛既化  
焚其身有骨子如五色珠光瑩堅固名曰舍利子  
阿育王造塔以藏之萬乘注見秦始皇二十六年

庚子

十七年 周武氏父 春正月帝在東宮 夏五月朔日食

六月周以張易之為奉宸令

太后改控鶴監為奉宸府以易之為令每內殿曲宴輒  
引諸武易之昌宗飲博朝譚又命易之昌宗與李嶠等  
脩三教珠英於內殿以掩其迹武三思奏昌宗乃王子  
晉後身太后使衣羽衣吹笙乘木鶴於庭中文士皆賦  
詩以羨之太后又多選美少年為奉宸內供奉右補闕  
朱敬則諫曰陛下內寵易之昌宗足矣而侯祥寺明自  
媒銜求入供奉醜慢無耻臣職諫諍不敢不奏太后勞  
之易之昌宗競以豪侈相勝第昌儀為洛陽令請屬無  
不從嘗早朝有選人姓薛以金五十兩并狀賂之昌儀  
受金以狀授天官侍郎張錫數日錫失其狀以問昌儀  
昌儀曰我亦不記但姓薛者即與之錫懼  
退索在銓姓薛者六十餘人悉留注官  
名王子晉注見晉穆帝升平三年周太子晉媒銜說文  
媒謀也謀合二姓銜自矜也銜音縣廣韻注自銜鬻自  
也媒質實朱敬則亳州人洛陽縣  
各注見周顯王三年

周遣將軍李楷固等擊契丹餘黨平之

周遣將軍李楷固等擊契丹餘黨平之



契丹將李楷固善用縲索及騎射舞槊每陷陳如鶻入  
鳥群所向披靡駱務整者亦為契丹將屢敗唐兵及孫  
萬榮死二人來降有司請族之狄仁傑曰二人驍勇絕  
倫能盡力於所事必能盡力於我若無之以德皆為我  
用矣奏請赦之皆以為將軍使將兵擊契丹餘黨悉平  
之獻俘合極殿太后召公卿合宴幸觴屬仁傑曰公之  
功也將賞之對曰此乃陛下威靈

**集覽**

縲索注見嗣聖十三年飛索以

**質實**

獻俘注見梁武帝大通元年俘馘

### 周隴右大使唐休璟破吐蕃於洪源

吐蕃將麴奔布支寇涼州圍昌松唐休璟與戰於洪源  
休璟謂諸將曰諸論既死麴奔布支新為將不習軍事  
請為諸軍破之乃披甲先

**集覽**

諸論王崇曰吐蕃之俗陷陳六戰皆捷吐蕃大奔

官族皆

**質實**

隴右注見秦王政三年隴西涼州注見景龍二年

### 周造大像

太后欲造大像使天下僧尼日出一錢以助其功狄仁  
傑上疏諫曰今之伽藍制過宮闕功不使鬼止在役人  
物不天來終頃地出不損百姓將何以求且梁武簡文  
捨施無限及三淮沸浪五嶺騰烟列利盈衢無救危亡  
之禍緇衣蔽路豈有勤王之師比來水旱不節邊境未  
寧若費官財又盡人力一隅有難將何以救之哉太后  
曰公教朕為善何

**集覽**

伽藍如求迦反梵語僧伽藍摩羅猶中華言衆園

得相達遂罷其役

園者生植之所佛弟子居之取生植道本聖果之義或  
云毘阿羅此云遊止處也釋氏要覽利音與察同梵語

帝建安元年

**書法**

先是嘗作大像貯天堂矣天堂既火於是復造

書復作為李嶠之諫書也綱目嘉二子故書罷後亦  
書之終綱目書作大像三丁未年魏主宏是年周武

氏二十  
年再書



司空梁文惠公狄仁傑卒 **考異** **考證** 當去文惠二字

謹按狄仁傑仕偽周為內史曲盡忠誠迎中宗還宮授計

封梁公綱目書曰司空梁公狄仁傑卒凡綱目書武后時

周號者明其心在唐室不曰文昌右相而曰司空梁公明

其忠於唐室褒之也褒之所以示勸也綱目平易中有精

深處故曰非朱子其誰能脩之

太后信重仁傑群臣莫及常謂之國老而不名仁傑好

面引廷爭太后每屈意從之常從太后遊幸遇風巾墜

馬驚不止太后命太子追執其鞚而繫之屢以老疾乞

骸骨不許每入見太后嘗止其拜曰每見公拜朕亦身

痛及薨太后泣曰朝堂空矣自是朝廷有大事眾或不

能決太后輒嘆曰天奪吾國老何太早邪太后嘗問仁

傑欲得一佳士用之誰可者仁傑曰有張柬之者其

人傑老宰相才也太后擢為洛州司馬數日又問仁傑

對曰前薦柬之尚未用也太后曰已遷矣對曰臣所薦

者可為宰相非司馬也乃遷秋官侍郎卒用為相仁傑

又嘗薦夏官侍郎姚元崇監察御史桓彥範太州刺史

敬暉等數十人卒成反正之功或謂仁傑曰天下桃李

悉在公門矣仁傑曰薦賢為國非為私也 **質實** 洛州注

中宗復位贈司空睿宗時追封梁國公 **質實** 見秦注

襄王元年三川桓彥範丹陽人太州莫詳沿革或謂敬

**書法**

仁傑自帝還東都以來拜官書周已屢矣無嫌

是故大臣卒不書謚自裴行儉一書之於是再見大

臣卒書本官惟仁傑官書中宗所贈爵書睿宗所封

所以殊仁傑於諸臣也此綱目之特筆也一人而已

矣唐臣卒具官爵姓氏者五人狄仁傑宋璟李晟馬

遂裴度具號官爵 謚者一人郭子儀

**發明**

婁師德之卒綱目以周納言書之雖具其官然

不繫之周則仁傑雖事武氏固唐之臣矣夫武氏廢

唐人神共憤仁傑蒙恥奮忠每以母子之說感悟武



氏武氏亦信重其說而從之紆徐不迫卒復唐緒故  
網目於此特筆起義以著仁傑始終為唐之意為天  
下後世亦不忘本朝者之勸也雖然仁傑不繫之周是  
矣胡為亦不繫之唐哉曰是時武氏雖僭位號然天  
網實唐之天下故不必繫之唐而已知其為唐此又  
於仁傑信重若此曰狄公一念在唐發於精誠倦倦  
像像其所以為武氏言者不出諸此故武氏亦以誠  
相感初非有奇謀異說行乎其間故曰誠者天之  
道也誠無物至誠未有不動者不誠未有能動者其  
謂狄公之

### 冬十月周復以正月為歲首

**發明** 武氏自六年十一月始用周正改十一月為正  
月十二月為臘月正月為一月至是凡十二年  
間前史皆從其說每歲十一月書於歲首以為正月  
繼書臘月一月然網目止用夏正紀月初未嘗為之  
改易今此雖書周復以正月為歲首其實歲首固已  
自用正月不待是年而後復凡此皆斥絕武氏不予

其改易唐家之正朔也然則曷為書周曰書周所以  
著其廢唐之罪明其自絕於唐爾若紀年則用嗣聖  
而正朔止用唐舊此則網目自立義例取法春秋之  
義不以其私自改作而遂從之者也故曰網目之為  
綱目非君子莫能脩之

### ○周以韋安石同平章事

時武三思張易之兄弟用事安石數面折之嘗侍宴禁  
中易之引蜀商數人在座同博安石跪奏曰商賈賤類  
不應得預此會顧左右逐出之座中皆失  
色太后以其言直勞勉之同列皆嘆服  
**質實** 韋安石  
孝寬曾孫禁中注見  
宋孝武帝大明六年

### 十二月周開屠禁

鳳閣舍人崔融言割烹弋獵著之典禮苟順月令合  
禮經自然物遂其生矣遂開屠禁祠祭用牲牢如故  
**質實** 崔融齊州全節人月令禮記篇名乃呂不韋所著言  
十二月政令所行用夏正令則雜舉三代及秦事也



丑辛

十八年 周武氏大足元 春正月帝在東宮

是歲武邑人蘇安恒上疏太后曰陛下欽先聖之顧託受嗣子之推讓敬天順人二十年矣今太子春秋既壯陛下年德既尊何不禪位東宮使臨宸極亦何異陛下之身哉諸武皆得封王而陛下二十餘孫無尺寸之土此非長久之計也臣請黜諸武為公侯而分土以王諸孫擇立師傅教其孝敬之道以夾輔周室屏藩皇家疏奏太后召見賜**管實**東宮注見宋文帝元嘉二十七年食慰諭而遣之**管實**一統志云武邑漢之縣名屬信都國東漢屬安平國晉置武邑郡於此北齊郡縣俱廢隋初復置縣以觀津縣省入屬冀州唐宋金元俱仍舊本朝因之改屬真定府

### 三月周流張錫於循州

平章事張錫坐知選漏洩禁中語賦滿數萬當斬臨刑釋之流循州時蘇味道亦坐事俱下獄錫氣色自若舍三品院帷屏食飲無異平居味道道而復其位**管實**循州注所席地蔬食太后聞之赦味道而復其位**管實**見晉高

祖天福七年

### 雨雪

蘇味道以雪為瑞帥百官入賀殿中侍御史王求禮止之曰三月雪為瑞雪臘月雷為瑞雷乎味道不從既入求禮獨不賀進言曰今陽和布氣草木發榮而寒雪為災豈得誣以為瑞賀者皆諂諛之士也太后為之罷朝時又有獻三足牛者宰相復賀求禮颺言曰凡物反常皆為妖此昂足非其人政教不行之象也太后為之愀然

#### 集覽

颺言亟明其失也書益

#### 書法

記異也終綱目書冬雪一漢元帝建昭二年書正月雪一宋辛丑年書二月雪一丙子年新莽

書三月雪四漢景帝中六年武帝元鼎二年元帝永光元年是年書四月雪二漢成帝建始四年陽朔四年自是無書雪者矣

### 夏六月周以李迥秀同平章事



迥秀母本微賤妻叱媵婢母聞之不悅迥秀即時出之  
或問何遽如是迥秀曰娶妻本以養親今乃違忤顏色  
安敢留也

**集覽**

媵婢媵以證反送  
女從嫁為媵婢

冬十二月周以崔玄暉為天官侍郎

天官侍郎崔玄暉性介直未嘗請謁執政惡之改文昌  
左丞月餘太后謂玄暉曰聞卿改官令史設齋自慶此  
欲盛為姦貪耳今還卿

**質實**

崔玄暉  
傳陵人

周以郭元振為涼州都督

先是涼州南北境不過四百餘里突厥吐蕃頰歲奄至  
城下百姓苦之元振始於南境硤口置和戎城北境磧  
中置白亭軍控其衝要拓州境千五百里自是寇不復  
至城下元振又令甘州刺史李漢通開置屯田盡水陸  
之利舊粟麥斛至數千及至是一縑糴數十斛軍糧支  
數十年元振善撫御在州五年夷夏畏慕令行禁止牛  
羊被野路

**質實**

一統志云和戎城在陝西行都司城東  
南六百四十二里本漢武威郡地唐築

寅壬

十九年周武氏長春正月帝在東宮

和戎城宋因之元為古浪城立巡檢司屬永昌路本  
朝正統中改置古浪守禦千戶所仍屬焉白亭軍白亭  
本海名在陝西涼州衛東北境唐郭元振置軍於此故  
名白亭軍突厥北狄國名注見梁武帝大同十一年  
州注見晉安帝隆安元年張掖

是歲蘇安恒復上疏曰臣聞天下者神堯文武之天下  
也陛下雖居正統實因唐氏舊基當今太子追迴年德  
俱盛陛下貪其實位而忘母子深恩將以何顏見唐  
之宗廟哉今天意人事還歸李家陛下雖安天位殊不  
知物極則反器滿則傾臣何惜一朝之罪

**質實**

神堯文武  
唐高祖謚

周設武舉○突厥寇鹽夏遂寇并州周遣薛季昶張仁愿

禦之質實鹽夏二州名鹽注見德宗貞元三年夏注見漢  
武帝元朔元年朔方并州注見齊明帝建武三



年張仁愿  
下邳人  
秋八月周賜張昌宗爵鄴國公

昌宗兄弟貴盛勢傾朝野太子相王太平公主  
上表請封昌宗為王制不許乃賜爵鄴國公

**質實**鄴縣

名注見漢獻帝建安十五年

**書法**書譏私也漢世初賜爵止左庶長至宣帝以後賜爵皆侯矣入唐以來自贈武士護外未嘗書

賜爵唐書賜爵始此而得昌宗封爵之輕其矣哉唐世書賜爵十五昌宗李多祚等敬暉等牛仙客李林甫等安祿山李光弼等僕固懷恩郭子儀李元忠等章阜李愬裴度李德裕楊行密天寶以前自李多祚敬暉外皆濫授也至德以後自楊行密外其庶幾乎

九月朔日食不盡如鉤

**書法**宋文丁卯年梁武己巳年唐開元十七年日食亦皆不盡如鉤矣不書此何以書為武氏書也

武氏以陰侵陽且極矣故次年而日食之既終綱目書日食不盡如鉤二是年玄宗天寶十三年舍是無

書者矣

吐蕃遣使求和

宴吐蕃使者論彌薩於麟德殿時涼州都督唐休璟入朝亦預宴彌薩屢窺之太后問其故對曰洪源之戰此將軍猛厲無敵故欲識之休璟練習邊事自碣石以西踰四鎮綿亘萬里山川要害皆能記之  
**集覽**碣石此非北平郡驪城西南之碣石按麟德殿注見憲戰國策注碣石在常山郡九門縣  
**質實**麟德殿注見憲宣政殿碣石山名注見秦始皇三十二年吐蕃西羗屬名注見太宗貞觀八年四鎮注見高宗調露元年要害注見漢文帝十一年

**書法**書求和始此終綱目書求和二是年玄宗開元九年請和四嗣聖十三年睿宗景雲二年代宗

永泰元年憲宗元和四年敵國不與焉

冬十月吐蕃寇茂州都督陳大慈與戰破之  
**質實**茂州注見漢武



通鑑綱目卷四十三 唐中宗景龍二年十一月周命監察御史蘇頲按雪冤獄

帝元鼎六年再臨。十一月周命監察御史蘇頲按雪冤獄。監察御史魏靖上疏以為陛下既知俊臣之姦處以極法乞詳覆俊臣等所推大獄申其枉濫太后乃命蘇頲按覆由是雪冤者甚衆。

**集覽**

雪冤雪除也洗也洗雪而免罪

**質實**

陛下注見漢光武建武二十七年蘇頲武功人瓌之子

十二月周以張嘉貞為監察御史

侍御史張循憲為河東採訪使有疑事不能決問侍吏曰此有佳客可與議事者乎吏言前平鄉尉張嘉貞有異才循憲召見詢之嘉貞為之條析理分莫不洗然循憲因請為奏皆意所未及及還太后善之循憲具言嘉貞所為且請以己官授之太后曰朕寧無一官自進賢邪因召嘉貞與語大悅即拜監察御史擢循憲司勳郎中賞其

**質實**

河東道名注見漢獻帝建安七年張嘉貞蒲州虞鄉人平鄉縣名注見漢靈帝中平

待人也

元

中

平

卯癸

二十年周武氏長春正月帝在東宮

突厥請以女妻太子之子許之乃遣武延秀還仍遣使來謝宴於宿羽臺太子預馬官尹崔神慶上疏曰今五

品以上所以佩龜者為別敕徵召恐有詐妄內出龜合然後應命况太子國本古來徵召皆用玉契此誠重慎

之極也昨緣突厥使見太子應預朝參直有文符下官曾不降敕處分臣愚謂太子非朔望朝參應別召者請

降手敕及玉契太后然之

**質實**

崔神慶東武城人義玄次子

三月朔日食

**質實**

日食注見新莽天鳳元年

夏閏四月周改文昌臺

為中臺六月寧州大水

**質實**

寧州注見肅宗上元元年

秋七月周

以唐休璟同三品

時突騎施酋長烏質勒與西突厥諸部相攻安西道絕太后命休璟議其事行之後十餘日安西諸州請兵應

接程期一如休璟所畫太后曰恨用卿晚時西突厥解

瑟羅用刑殘酷諸部不服烏質勒本隸斛瑟羅能撫其



衆諸部歸之斛瑟羅不能制後攻陷碎葉徙其牙帳居  
之斛瑟羅部衆離散因入朝不敢復還烏質勒悉併其

**地集覽** 突騎施西夷種名本西突厥之別部元和姓纂  
云突騎施本號西陵突厥碎葉西域國名或曰

碎葉城中  
宗開元八年

### 九月朔日食既

胡氏曰 呂后末年日食既后惡之曰此為我也未幾而  
卒武后至是日食再既明年亦卒日者至陽之精人君  
之表今乃為女主之應乎夫陽淑不競則陰慝長理固  
然也今武氏反陰為陽居中履極奄唐虞之舊域頒正  
朔於八荒其氣燄所感上  
致日星之變不亦宜乎  
**質實** 日食既注見漢惠帝七  
年八荒謂八極之外荒  
昧之地也詳  
見淮南子

### 書法

食既大變也往年九月不盡如鉤矣於是九月  
又食之既武氏之陰沴已極極則反矣後二年

而武氏即世變不虛生信哉終綱目書食  
既十有二未有無應者也詳漢惠帝七年

### 周貶魏元忠為高要尉流張說於嶺南

初元忠為洛州長史張易之奴暴亂都市元忠挾殺之  
及為相太后欲以易之弟昌期為雍州長史問宰相誰  
堪雍州者元忠以薛季昶對太后曰昌期何如元忠曰  
昌期少年不閑吏事向在岐州戶口逃亡且盡不如季  
昶太后默然而止元忠又嘗面奏臣承乏宰相不能盡  
忠死節使小人在側臣之罪也太後不悅由是諸張深  
怨之乃潛元忠嘗言太后老矣不若挾太子為父長太  
后怒下元忠獄昌宗密引鳳閣舍人張說賂以羨官使  
證元忠說許之太后召說入鳳閣舍人宋景謂曰名義  
至重鬼神難欺不可黨邪陷正若獲罪流竄其榮多矣  
若事有不測環當叩閣力爭與子同死努力為之萬代  
瞻仰在此舉也殿中侍御史張廷珪曰朝聞道夕死可  
矣左史劉知幾曰無汗青史為子孫累及入太后問之  
說未對昌宗從旁迫趣說使速言說曰陛下視之在陛  
下前猶逼呼曰張說與元忠同反太后問其狀對曰說  
之昌宗遽呼曰張說與元忠同反太后問其狀對曰說



嘗謂元忠為伊周伊尹放太甲周公攝王位非欲反而何說曰易之小人徒聞伊周之語安知伊周之道伊尹周公為臣至忠古今慕仰宜并繫涕之他時擊引問謔使學誰邪太后曰說反覆宜并繫涕之他時擊引問謔對如前朱敬則抗疏理之曰元忠素稱忠正張說所坐無名若令抵罪失天下望蘇安恒亦上疏曰元忠下獄里巷怙怙皆以為陛下委信姦宄斥逐賢良忠臣烈士皆撫髀於私室方今賦役煩重百姓凋弊重以諛慝專恣刑賞失中竊恐人心不安別生他變竟貶元忠高要尉流說嶺表元忠入辭言曰臣老向嶺南十死一生但陛下他日必思臣言因指昌宗易之曰此二小兒終為亂階殿中侍御史王峻復奏申理元忠宋璟謂之曰魏公幸已得全今子復冒威怒得無狼狽乎峻曰魏公以忠獲罪峻為義所激顛沛無恨璟歎曰璟不能申魏公之外枉深負朝廷矣太子僕崔貞慎等八人餞元忠於郊史馬懷素韜之懷素曰昔樂布奏事彭越頭下漢祖不以為罪况元忠之刑未如彭越而陛下欲誅其送者乎太后意解太后嘗命朝貴宴集易之曰公方今第一人何易之素憚璟欲悅其意虛位揖之曰公方今第一人何

乃下坐璟曰才劣位卑張卿以為第一何也天官侍郎鄭某謂璟曰中丞奈何卿五郎璟曰以官言之正當為卿足下非張卿家奴何郎之有舉坐悚惕時自武三思以下皆謹事易之兄弟璟獨不為之禮諸張積怒嘗欲中傷之太后知之故得免胡氏曰宋璟可謂賢矣為張說謀而忠張說亦可謂賢矣聞宋璟言而受使事君者相詔相聽皆如是朝廷豈有過舉哉說非守義不回者特以蓬生麻中勢不得不直耳苟為不然說他日事業可紀如是者甚少豈爵位既高不得親忠集覽張說讀良以自助邪君子所以責乎三益之友也

**集覽** 張說讀

**質實** 雍州注見玄

**峻** 高要注見梁武帝太清二年峻祖

**質實** 雍州注見玄

**南** 京兆岐州注見周顯王八年張說洛陽人宋璟邢州

**夏** 燹曰史者紀事之籍謂之青者蓋古人以火炙簡令汗出取青易書故其簡謂之青簡而史亦謂之青史伊

**周** 伊注見晉元帝太興元年周注見秦昭襄王五十二年

**王** 峻滄州景城人狼狽注見漢獻帝初平三年顛沛



朱子曰顛沛傾覆流離之際馬懷素丹徒人  
樂布奏事彭越頭下事在漢高帝十一年

### 周以裴懷古為桂州都督

始安僚反攻陷州縣朝廷思得良吏以鎮之朱敬則稱  
懷古有文武才以為桂州都督懷古飛書示以禍福僚  
即迎拜懷古輕騎赴之左右曰夷僚無信不可忽也懷  
古曰吾仗忠信可通神明而况人乎遂詣其營賊衆大  
喜嶺外  
**質實**始安縣名注見晉成帝咸和四年桂州注  
悉定見秦始皇三十三年桂林裴懷古壽州壽  
人春

### 周遣使以六條察州縣○吐蕃贊普器弩悉弄死

**考異**

提

死誤  
作卒

吐蕃南境諸部皆叛器弩悉弄擊之卒於軍中諸  
子爭立久之國人立其子棄隸踏贊生七年矣

### 二十一年周武氏長春正月帝在東宮○周以阿史那懷

辰甲

### 道為西突厥十姓可汗

**質實**

突厥北狄國名注見梁武帝  
大同十一年可汗夷狄君長

### 號注見漢後○周作興泰宮

武三思建議毀三陽宮以其材作興泰宮於萬安山功  
費甚廣百姓苦之左拾遺盧藏用上疏以為左右近臣  
多以順意為忠犯忤為戒致陛下不知百姓失業陛下  
誠能以勞人為辭發制罷之則天下皆知陛下答業陛下  
愛人也  
**質實**三陽宮注見嗣聖十六年一統志云興泰  
宮在河南府宜陽縣西萬安山唐長興四  
年所建萬安山在河南府城東南四十一里又  
名大石山北接登封縣盧藏用幽州范陽人

### 周平章事朱敬則致仕

敬則為相以用人為  
先自餘細務不之視

### 三月周以韋嗣立等為諸州刺史

太后嘗與宰相議及刺史縣令李嶠唐休璟等奏竊見  
朝廷物議遠近人情莫不重內官輕外職除授牧伯多



是貶累之人風俗不澄實由於此望於臺閣寺監妙簡賢良分典大州共康庶績臣等請輟近侍率先具僚太  
后命書名各探之得鳳閣侍郎韋嗣立御史大夫楊再思  
等二十人各以本官檢校刺史其後政迹可稱者唯常  
州薛謙光徐州葉覽貶累累力偽反玷質實常州注見  
司馬鏗而已秦十二年毘陵徐州注見  
秦始皇二十八年彭城

### 夏四月周復作大像

太后復稅天下僧尼作大像糜費巨億李嶠上疏曰造  
像錢見有一十七萬餘緡若將散施人與一千齊得一  
十七萬餘戶拯饑寒之弊省勞役之勤人神胥悅功德  
無窮監察御史張廷珪疏曰以時政論之則宜先邊才  
蓄府庫養人力以釋教論之則宜救苦厄減諸相崇無  
為願察臣之愚行佛之意太后為之罷役召見賞慰之

周以天官侍郎崔玄暉同平章事○周以姚元崇為春官  
尚書

初以相王府長史姚元崇兼夏官尚書元崇上言臣事  
相王不宜典兵馬臣不敢愛死恐不益於王乃改春官  
尚書同三品如故元崇字元之時突集覽叱列虜質實  
厥叱列元崇及太后命元崇以字行姚崇陝州硤  
石人懿之子

### 秋七月周以楊再思為內史

再思為相專以諂媚取容司禮少卿張同休易之元  
嘗因宴集戲再思曰楊內史面似高麗再思欣然翦紙  
帖巾反披紫袍為高麗舞舉坐大笑時人或譽張昌宗  
之美曰六郎面似蓮花再思獨曰不然昌宗問其故再  
思曰乃蓮花質實高麗東胡國名注見漢  
似六郎耳武帝元封二年朝鮮

### 周貶戴令言為長社令

司禮少卿張同休汴州刺史張昌期尚方少監張昌儀  
皆坐贓下獄命左右臺共鞠之救以易之昌宗作盛作  
福亦命同鞠御史大夫李承嘉中丞桓彥範奏同休兄  
弟賊共四千餘緡昌宗法應免官昌宗訴有功無罪太



右問宰相昌宗有功乎楊再思曰昌宗合神冊聖躬服之有驗此莫大之功太后悅故之左補闕戴令言作兩足狐賦以譏再思出為長社令

**質實**

長社縣名注見漢光武建武八年

周以韋安石為揚州長史唐休璟兼幽營都督

安石舉奏張易之等罪赦付安石及唐休璟鞠之未竟而事變出安石揚州休璟幽營休璟將行密言於太子曰二張恃寵不臣必將為亂殿下宜備之

**質實**

揚州注見漢武帝元朔五年淮南幽營二州名幽注見高

祖武德四年營注見晉武帝泰康二年昌黎

九月周以姚元之為靈武道安撫大使冬十月以秋官侍郎張柬之同平章事

元之將行太后令舉外司堪為宰相者對曰張柬之沈厚有謀能斷大事且其人已老惟陛下急用之太后遂以柬之同平章事

**質實**

靈武郡名注見太宗貞觀二十年靈州

**書法**

自革命以來凡封拜皆書周以恒辭也此其不書周何東之心乎唐者也自東之相而帝有復位之書矣綱目於其同平章事不書周所以表其為唐也故終太后之世惟狄仁傑同平章事不書周惟張柬之同平章事不書周

周以岑義為天官負外郎

太后命宰相選即吏韋嗣立薦義曰但恨其伯父長倩為累太后曰苟或有才此何所累由是諸緣坐者始得進集覽長倩為累累力偽及事相緣及也長倩乃義之伯父先因諫立武承嗣為太子被誅故云為累

**質實**

岑義鄧州棘陽人文本之孫

十二月周張昌宗下獄既而赦之

太后寢疾宰相不得見者累月惟易之昌宗侍側崔玄暉奏曰太子相王足侍湯藥宮禁事重願不令異姓出入易之昌宗亦恐禍及陰為之備屢有人為飛書云易之兄弟謀反許州人揚元詞告昌宗嘗召術士李弘泰



占相弘泰言昌宗有天子相太后命平章事章承慶及  
司刑卿崔神慶御史中丞宋璟鞠之神慶奏言昌宗款  
稱弘泰語已奏聞準法首原璟奏昌宗儻以弘泰為妖  
妄何不執送有司雖云奏聞終是包藏禍心法當處斬  
太后不許璟退左拾遺李邕進曰宋璟志安社稷非為  
身謀願陛下可其奏亦不聽尋救璟安撫隴蜀璟不肯  
行奏曰故事中丞非軍國大事不當出使今隴蜀無變  
臣不敢奉制司刑少卿桓彥範上疏曰昌宗無功荷寵  
而包藏禍心所以奏者擬事發則云先已奏陳不發則  
俟時為逆此乃奸臣詭計若云可捨誰為可刑請考竟  
其罪疏奏不報崔玄暉亦屢以為言太后令法司議罪  
玄暉弟司刑少卿昇處以大辟宋璟復奏昌宗為飛書  
所逼不得已而自首且謀反大逆無容首免太后溫言  
解之璟聲色愈厲曰臣知言出禍從然義激於心雖死  
不恨太后不悅楊再思遽宣救令出璟曰聖主在此不  
煩宰相擅宣救命太后乃可其奏遣昌宗詣臺璟庭立  
而按之事未畢太后特赦赦之璟歎曰不先擊小子腦  
裂負此恨矣太后使昌宗詣璟謝璟拒不見胡氏曰太  
后不以內嬖之私屈外庭之議肯自抑斷以伸正直之  
氣其與漢文聽申屠嘉困鄧通何以異哉使其生為男

子而臨天下其惟才  
大畧殆與孝武等矣  
**集覽**飛書如語無姓名上書者漢

及質實許州注見漢光武建武八年長社李邕江夏人  
善之子幸承慶鄭州人思謙之子隴蜀謂隴西

蜀郡注見漢光武建武五年大辟刑名注見漢宣帝地  
節二年大辟之計漢文聽申屠嘉困鄧通事在漢文帝  
後二年

**書法**周勃書下其獄既而赦之釋無罪之辭也昌宗  
獄書既而赦之二  
詳漢文帝四年

### 周以楊嶠為右臺侍御史

桓彥範表恕已共薦楊嶠為御史楊再思曰嶠不樂搏  
擊之任如何彥範曰為官擇人豈必待其所欲所不欲

者尤須與之所為長難進之風抑  
躁求之路乃權為右臺侍御史  
**集覽**搏擊之任御史

如鷹鷂之質實袁恕已冷  
搏擊鳥雀  
州東光人

州東光人



神龍元年春正月張東之等舉兵討武氏之亂張易之昌宗伏誅帝復位大赦

太后疾甚易之昌宗居中用事張東之崔玄暉與中臺右丞敬暉司刑少卿桓彥範相王司馬袁恕已謀誅之東之謂羽林大將軍李多祚曰今大帝之子為二豎所危將軍不報大德也東之曰多祚曰苟利國家惟相公處分不取顧身遂與定謀初東之與荆府長史楊元琰相代同及東之為相引元琰為右羽林將軍琰慨然有匡復之志之言乎今日非輕授也東之又用彥範暉及右散騎侍郎李湛皆為羽林將軍委以禁兵易之疑懼乃更以其黨武攸宜參之易之等乃安俄而姚元之自靈武至都東之彥範相謂曰事濟矣遂以其謀告之彥範以事白其母母曰忠孝不兩全先國後家可也時太子於北門起居彥範暉謁見密陳其策太子許之東之玄暉彥範乃與左威衛將軍薛思行等帥羽林兵五百餘人至玄武門遣多祚湛及內直郎王同皎詣東宮迎太子斬

關而入斬易之昌宗於庶下進至太后所寢長生殿太后驚起問曰亂者誰邪多祚等對曰易之昌宗謀反臣等奉太子令誅之恐有漏洩故不敢以聞稱兵宮禁罪當萬死太后見太子曰小子既誅可還東宮彥範進曰昔天皇以愛子託陛下傳位太子以順天父在東宮天意人心夕思李氏願陛下傳位太子以順天父在東宮太后謂崔玄暉曰卿朕所自擢亦在此邪對曰此乃所以報陛下之大德於是收張昌期等皆斬之與易之昌宗報首天津南收其黨韋承慶房融崔神慶繫獄以太后制命太子監國以袁恕已為鳳閣侍郎同平章事遣使宣諭諸州明曰太后傳位於太子咸令清雪子女配沒者皆免之相王旦加號安國相王太平公主加號鎮國太平公主皇族皆復屬籍叙官爵其為太后所殺者訪求其柩改葬集覽北門起居唐分宰相為南司故稱南牙官寺之在北門司故稱北門天津南謂西天津橋南謂質實羽林衛名注見漢安帝延光四年在天津橋南揚元琰號州閩鄉人長生殿注見玄宗天寶六年華清宮天津橋名注見隋煬帝大業十三年東宮注見宋文帝元嘉二十七年相州名注見漢



元帝建昭  
年魏郡

### 遷太后於上陽宮尊號曰則天大聖皇帝

胡氏曰武氏之禍古所未有也張東之等第知反正廢  
主而不能以大義處非常之變為唐室討罪人也武后  
以太宗才人盡感嗣帝一罪也成殺主母二罪也黜中  
宗而奪之三罪也殺君之子三人四罪也自立為帝五  
罪也廢唐宗廟六罪也誅鋤宗室七罪也穢德彰聞八  
罪也尊用酷吏毒痛四海九罪也兵既入宮當先奉太  
子復位即以武氏至唐太廟數其九罪廢為庶人賜之  
死而滅其宗中宗不得而與焉然後足以慰在天之靈  
雪臣民之憤而天地之常經立矣昔者文姜預弑魯桓  
哀姜預弑二君聖人例以孫書若其去而不返以深絕  
之等乃膠守常故而義重也武氏負九大罪自絕於唐東  
竊尊稱以是見公而在當有以異乎此邪曰狄公亦如  
決矣或曰使狄公而在當有以異乎此邪曰狄公亦如  
是而已矣觀其說武氏之言固不肯以血食給之於先  
而以罪討之於後也或曰文姜哀姜與聞乎弑武氏未

嘗弑也此而同之不亦過乎曰弑君立君宗廟猶未亡  
也罪已當絕况移其宗廟改其國姓是滅之矣豈不重  
於弑君者邪夫惟如是而不能討故不旋踵  
而韋氏肆行無所忌憚意可以為常事也  
書泰誓文蔡氏傳曰痛病也作刑威以殺戮毒病四海  
之人言禍所及遠也文姜預弑魯桓文姜魯桓公夫人  
桓十八年公及文姜如齊齊侯通之而使公子彭生拉  
公幹而殺之哀姜預弑二君哀姜魯莊公夫人也莊三  
十二年公疾後於叔牙對曰慶父材問於季友對曰  
臣以死奉般後莊公薨子般即位慶父使人弑之魯人  
立閔公後年慶父恨不得立又使人弑閔公哀姜與  
之娣叔姜之子也慶父通於哀姜閔公死也哀姜與  
知之何休曰為淫二叔殺二嗣子聖人例以孫書例謂  
春秋凡例也莊元年經曰夫二人孫于齊注夫人莊公母  
也魯人責之故出奔內諱奔謂之孫猶孫讓而去孫亦  
作遜公羊傳曰孫者何孫猶孫也注遜道也穀梁傳曰  
孫之為言猶孫也諱奔也注孫道而去閔二年經曰  
夫人姜氏孫于邾注哀姜外淫故孫稱姜公羊傳作夫  
人姜氏孫于邾婁若其去而不返以深絕之文姜哀姜  
與聞弑君之後史筆畧不及之視二人如往而不歸者

集覽

毒痛四海



是所以深

**正誤**

文姜哀姜今按文姜孫齊之後春秋書

絕之也如齊師又會于防又會于穀又如齊又再如莒又書夫

人姜氏薨葬我小君文姜凡十見哀姜孫邾之後書夫

入姜氏薨于夷齊人以歸書夫人姜氏之喪至自齊書

之非也然哀姜與弒二君去而不返春秋書夫人姜氏

孫于邾宜也文姜與弒恒公之後即歸于魯亦書夫人

雖即歸魯若其去而不返以深絕之也極

年封二

**書法**武氏自臨朝稱太后既革命則削稱武氏絕之

罪矣此其復書太后何罪唐朝之君臣也太后絕唐

宗廟罪莫大焉中宗知有母而不知有祖大臣知守

常而不知斷義從其恒稱所以深譏之也而復號曰

皇帝馬又甚矣故綱目雖書號曰則天大聖皇帝而

其崩其葬則從其恒稱然則書遷太后何太后六其辭

宗廟固不得以自遷為文也綱目書遷太后六其辭

有二秦太后漢靈太后魏郭太后齊宣德太

后皆逆辭也漢閻太后唐武太后皆罪辭也

**發明**綱目自七年改國號周之後不書太后止書武

氏明其得罪於唐宗廟故黜而終之廢為庶人

是以上書遷太后號曰則天大聖皇帝夫所謂武氏之亂

而武氏也既討其亂又尊其號可乎綱目於此深恨

文姜

孫齊

之後

春秋

書夫

人姜

氏之

喪至

自齊

書夫

人姜

氏之

喪至

自齊

書夫

人姜

氏之

喪至

自齊

書夫

人姜



其輕重以定其罪狀或誅或宥以為後世之戒可也  
一時具臣不知出此反仍其舊稱而加以美號豈不  
哉悖

以張柬之袁恕已同三品崔玄暉為內史敬暉桓彥範為  
納言李多祚等進官賜爵有差

**質實**

納言官名注見漢靈帝光和元年

二月復國號曰唐

郊廟社稷陵寢百官旗幟服色文字皆如永淳以前故  
事復以神都為東都北都為并州老君為玄元皇帝范  
氏曰昔季氏出其君魯無君者八年春秋每歲必書公  
之所在不與季氏之專國也自司馬遷作呂后本紀後  
世為史者因之故唐史亦列武后于本紀其於記事之  
體則實矣春秋之法則未用也或曰武后母也中宗子  
也母雖不慈子不可以不孝中宗欲列于本紀與韋玄貞  
不得為無罪武后實有天下不得列于本紀不沒其  
實所以著其惡也臣以為不然中宗之時有天下受之於  
高宗也其曰以天下與韋玄貞乃一時拒諫之忿辭非

實欲行之也若以為罪則漢哀帝之欲禪立董賢其臣  
亦可廢立也春秋吳楚之君不稱王所以存周室也天  
下者唐氏之天下也武氏豈得而間之故匡復繫嗣聖之  
年黜武氏之號以為母后禍亂之戒竊取春秋之義雖  
獲罪於君子

**集覽**

禪位董賢漢哀帝置酒麒麟殿視

**質**

實社稷注見新莽天鳳元年

**書法**

此書復國號曰唐世史書革去周號何武氏所  
以據尊位臨萬方以臣其人者豈盡出其智

力哉因唐之勢耳彼其革去唐號而稱曰周特見於  
稱呼施之文移焉耳人心天意之在唐者固未嘗有  
渝也武氏一旦去位則唐之社稷固自如  
也又何俟於復哉革去周號唐斯在矣

流貶周宰相韋承慶房融崔神慶於嶺南

**質實**

嶺南道名注見秦始

皇三十三年五嶺 ○以楊再思同三品 ○姚元之為亳州刺史

太后之遷上陽宮也同三品姚元之獨嗚咽流涕桓彥  
範張柬之謂曰今日豈公涕泣時邪元之曰前日從公



誅姦逆人臣之義也今日別舊君亦人臣之義也雖獲罪實所甘心遂出為亳州刺史

**質實**

亳州注見

### 復立韋氏為皇后贈后父玄貞上洛王

左拾遺賈虛已上疏曰異姓不王古今通制今中興之始萬姓仰觀而先王后族非所以廣德美於天下也且先朝贈后父太原王殷鑒不遠須防其漸不聽上之遷房陵也與后同幽閉備嘗艱危情愛甚篤每聞敕使至輒皇恐欲自殺后止之曰禍福無常何遽如是嘗與后私誓曰異時幸復見天日當惟卿所欲不相禁禦至是上每臨朝則后必施帷帳坐於殿上預聞朝政如武后在高宗之世矣担彥範上表曰書稱牝雞之晨惟家之索自古帝王未有與婦人共政而破國亡身者胡願令皇后專居中宮治陰教勿出外朝下國政先是胡僧慧範與張易之兄弟善韋后亦重之至是復出入宮掖彥範表言慧範執左道以亂政請誅之上皆不聽

**覽**

殷鑒不遠詩蕩篇文注見隋煬帝大業三年執

**質實**

上洛郡名注見晉元帝太興元年太原郡名注見齊明帝建武三年并州房陵縣名注見漢獻帝建安二十四年牝雞之晨惟家之索

注見隋文帝仁壽四年

**書法**

前書立韋氏為皇后矣中宗被廢則韋氏為廬陵王妃可知也然中宗雖書廢而綱目每歲皆

以帝書不予武氏之廢之云耳帝既復位則后正位中宮亦不言可知也其必以復立書何著唐再禍之

始也帝既復位唐已為唐韋后復立唐必再禍特書復立若曰唐室之禍復自此始矣復之故重書之凡

嘗書廢而書復立為皇后以綱目皆有深意焉韋氏未嘗書譴而書復使之還鎮以為不可使還者也代宗大

曆三年皆惜之之辭也然則武士護再書贈矣不書后父玄貞則何以書書后父見中宗之汲汲於韋氏

猶前日也武氏立為后十七年而後追王其父韋氏復立首贈后父以王綱目聯書之

中宗反正以來之初政可知矣

**發明**

春秋襄十四年書衛侯出奔二十五年書衛侯入于夷儀當其失國之時皆書其爵至二十六



年書衛侯在外十有二年而德弗加進一旦得國失信無  
刑猶夫人也存是以春秋深貶而名之爾夫二十餘年  
困心衡慮多於衛侯淹恤之日反位未幾故貽禍擯  
果何為哉况其嗣位之初止以韋元正之故貽禍擯  
黜今縱念不到此亦獨不思母氏亂唐不過出於女  
禍則夫懲創前失尤當裁抑女寵於動心忍性之餘  
胡可反聽牝雞之晨復蹈亂亡之轍者哉昔太甲顛  
覆厥度伊尹放之於桐三年自怨自艾處仁遷義卒  
能復辟為賢德之君中宗幽廢不為不久而其狂愚  
之惡魯弗之改故綱目於韋氏之立既書曰復而於  
上洛王之贈則特揭后父書之所以著其困而弗革  
雖得復國猶非其國也嗚呼觀綱目所書中宗初政  
若此真所謂下愚不移之性者矣廢於母弑於妻又誰咎哉

### 以武三思為司空

雖二張之誅也洛州長史薛季昶謂張東之敬暉曰二凶  
除產祿猶在去草不去根終當復生二人曰大事已

定彼猶机上肉耳夫何能為季昶歎曰吾不知死所矣  
朝邑尉劉幽求亦謂東之等曰三思尚存公輩終無葬  
地若不早圖噬臍無及不從上女安樂公主適三思子  
崇訓上官儀女婉兒者沒入掖庭辯慧能文明習吏事  
太后愛之及上即位使掌制命益委任之拜為婕妤三  
思通馬故婉兒黨於武氏又薦三思於韋后上遂與三  
思圖議政事數微服幸其第東之等皆受制於三思矣  
上使后與三思雙陸而自為點籌三思遂與后通由是  
武氏之勢復振東之等勸上誅諸武曰革命之際宗  
室誅夷畧盡今陛下反正武氏濫官僭爵按堵如故豈  
遠近所望邪不聽東之等或撫床歎憤或彈指出血曰  
主上昔為英主時稱勇烈吾所以不誅諸武者欲使上  
自誅之以張天子之威耳今反如此事勢已  
去知復柰何上遂以三思為司空同三品  
喻武三思尚末除也漢高后時呂產呂祿皆以外戚  
居中用事後並伏誅啞臍無及左傳若不早圖後君噬  
臍注蓋臍腹也質實朝邑縣名注見隋煬帝大業十三年  
喻不可及也質實朝邑縣名注見隋煬帝大業十三年  
漢高帝六年秋道掖庭獄名注見漢武帝後元元年  
好婦官名注同上太始三年雙陸博具注見梁武帝太



清三年按堵注見  
代宗大曆八年

**書法**

武氏亂唐亘古無有五王不能誅除禍根誠為失策然中宗獨不念幽囚之辱乎既登九五掃除元惡惟恐弗及夫何復位未幾乃反信而用之是亦無人心矣故綱目書以武三思為司空專罪中宗而未暇責及五王者端本澄源之論首惡必有所歸也

貶譙王重福為均州刺史

重福上之庶子也韋后惡之貶均州刺史常令州司防守之

**質實**

均州注見晉元帝建武元年武當

以武攸暨為司徒祝欽明同三品

**質實**

祝欽明京兆人三月流

酷吏於嶺南死者追貶之所破家皆復資蔭○以袁恕已為中書令○徵武攸緒為太子賓客

以安車徵武攸緒既至為太子賓客固請還山許之亂氏曰武攸緒之志不緇於其族卓矣他人避武后之亂

思中宗之復事革則奮然而出攸緒見其未也應召而來遺榮而去當是之時一人而已

**質實**

安車注見

漢武帝建元元年

夏四月以鄭普思為秘書監葉靜能為國子祭酒

術士鄭普思尚衣奉御葉靜能皆以妖妄為上所信墨敕以普思為秘書監靜能為國子祭酒桓彥範崔玄暉固執不可曰陛下初復大位下制政令皆依貞觀故事貞觀中魏徵為秘書監孔穎達為國子祭酒豈普思靜能之比乎拾遺李邕上疏曰若有神僊能令人不死則秦始皇漢武帝得之矣佛能為人福利則梁武帝得之矣堯舜所以為帝王首者亦脩人事而已尊寵此屬何補於國上皆不聽

**書法**

監學清流長官要職而以方若之直書而貶義自見矣

以魏元忠韋安石李懷遠唐休璟崔玄暉並同三品張柬之為中書令

**質實**

李懷遠邢州柏仁人

○五月遷周廟主於西京仍



避其諱

**書法**

宜仍者何不

**發明**

武氏廢唐宗廟中宗僅能復之今乃復崇武氏

諱以惡之

○賜敬暉等五人王爵罷其政事

敬暉等帥百官上表曰天授革命之際宗室誅竄殆盡  
今天命惟新而諸武封建如舊開闢以來未有斯理願  
陛下為社稷計順遐邇心降其王爵以安內外上不許  
暉等畏武三思之諛以考功負外郎崔湜為耳目湜見  
上親三思而忌暉等乃悉以暉等謀告三思三思引為  
中書舍人先是殿中侍御史鄭愔諫事三思三思引為  
東都謁三思初死而滅族後乃喜大王之得愔也愔  
始哀大王將戮死而滅族後乃喜大王之得愔也愔  
雖得天子之意然彼五人皆擣大王之肉此愔所以為大  
太后如反掌日夜切齒欲噬大王之肉此愔所以為大

王寒心也三思大懼與之登樓問自安之策引為中書  
舍人與崔湜皆為三思謀主三思與韋后日夜譖暉等

云恃功專權將不利於社稷不若封以王爵罷其政事  
外不失尊寵功臣內實奪之權上以為然封敬暉為平

陽王桓彥範為扶陽王張東之為漢陽王袁恕已為南  
陽王崔玄暉為博陵王皆罷政事三思令百官脩復太

后之政不附武氏者斥之為五王所逐者復之大權盡  
歸三思矣胡氏曰崔湜小人無足罪者獨五王不知人

可恨宜夫三思不知中宗次則不知三思其為崔湜所反  
也固宜夫三思不知中宗次則不知三思其為崔湜所反

建義諸人分柄文武若合謀同志再匡王室討除三思  
猶未為晚也若中文宗與韋后必欲復武氏之政則斷以

大義推奉睿宗以主社稷雖為法受惡豈不賢於三思  
所直醢乎惜哉五王之忠而不及此其受禍也宜哉

**集覽** 湜 崔湜 定州人 仁師之孫 東都注見  
憤 湜 崔湜 定州人 仁師之孫 東都注見

見周威烈王二十三年一統志云扶陽縣名隋初所置  
於扶水之北故名屬庸州唐屬費州宋廢之故址在思

南陽縣名西北八十五里漢陽縣名注見高祖武德五年  
南陽縣名注見周威烈王二十三年一統志云扶陽縣名隋初所置



烈王二十三年山中

**書法** 特筆也霍氏之將誅書罷其也兵五王之將禍書罷其政事皆特筆也綱目於此凜凜矣

### 以岑羲為秘書少監畢構為潤州刺史

初五王之請削武氏諸王也求人為表眾莫肯為中書舍人岑羲為之語甚激切中書舍人畢構次當讀辭色明厲三思既得志羲改秘書少監出構為潤州刺史

和三年京口

### 以宋璟為黃門侍郎

上嘉宋璟忠直累遷黃門侍郎武三思嘗以事屬璟璟正色拒之曰今太后既復子明辟王當以侯就第何得尚預朝政獨不**質實**復子明辟注見漢見產祿之事乎

### 以楊元琰為衛尉卿

先是元琰知三思浸用事請棄官為僧上不許敬暉而笑之元琰曰功成名遂不將危此乃由衷之請非徒然也及暉等**集覽**由衷之請言此請出於衷心之誠得罪元琰獨免

### 皇后表請改易制度從之

上官婕妤勸韋后襲武后故事表請令士庶喪出母二年百姓二十三為丁五十九免役改易制度以叔時望**集覽**喪出母三年出母謂為父所出者禮為出母從之**集覽**期父卒為父後者不服耳記檀弓曰子上之母死而不喪又曰孔氏之小喪出母自子思始也注云記禮所由廢非之又喪服小記曰為父後者為出母無服注云不敢以私廢父所傳重之祭祀也高宗時武后請父在為母服齊衰三年

**書法** 此天后表十二事之故步也而皆從之父子一轍矣綱目前書行之高宗上元元年此書從之

是年深譏之也



**發明** 昏庸之君雖身罹禍敗亦弗知戒如中宗之寵  
韋庶人是已况望其遠鑒前世乎書皇后表請  
改易制度從  
之惡可知矣

降河內王武懿宗爵為公 **質實** 河內縣名注見周報○以  
王五十三年野王

唐休璟豆盧欽望為左右僕射

以唐休璟豆盧欽望為左右僕射休璟仍同三品欽望  
有軍國重事中書門下可共平章先是僕射為正宰相  
其後多兼中書門下之職午前决朝政午後决省事至  
是欽望專為僕射不敢預政事故有是命是後專拜僕  
射者不復 **質實** 豆盧欽望  
為宰相矣 雍州人

以韋安石為中書令魏元忠為侍中○洛水溢 **質實** 洛水  
注見

漢高后  
三年  
流二千  
餘家

秋七月以韋巨源同三品○以漢陽王張柬之為襄州刺  
史

東之表請歸襄州養疾制 **質實** 襄州注見漢獻  
以東之為刺史不知州事 帝建安十二年

河南北十七州大水制求直言

右衛參軍宋務光上疏曰水陰類臣妾之象恐後廷有  
干外朝之政者宜杜絕其萌太子國本宜早擇賢能而  
立之又外戚太甚如武三思等宜解其機要鄭普思  
兼靜能以小枝竊大位亦朝政之蠹也疏奏不省 **質**

**質** 宋務光  
西河人

九月改葬上洛王韋玄貞

其儀如太原王故 **質實** 太原王故事高宗贈武士護為  
事尋進封鄴王 太原王事在咸淳元年 **鄴** 縣名  
注見漢武帝  
建元元年



**書法**

楊震書改葬嘉禮賢也此其書何譏私也復位一月而追贈越八月而改葬中宗於后父亦拳

韋巨源罷以魏元忠為中書令楊再思為侍中○冬十一

月群臣上皇帝皇后尊號

群臣上皇帝尊號曰應天皇帝皇后曰順天皇后上與后謁謝太廟赦天下相王太平公主加實封皆滿萬戶

**書法**

帝后並書何譏也失尊無二上之義矣綱目以群臣上冠之罪群臣也

上御樓觀潑寒胡戲

**考異**

上當作帝

清源尉呂元泰上疏曰謀時寒若何必裸身揮水誅舞衢路以索之哉疏奏不納

**集覽**

潑寒胡戲即乞

寒胡戲注見陳宣帝太建十一年

**質實**

清源縣名注見周赧王二十七年

**書法**

凡書觀譏也觀戲甚矣終綱目書觀十年詳漢後主建興十四年而中宗六年三書馬是年景龍

三年四年帝亦早自絕矣

**發明**

中宗失德初無足道然亂亡之蹟不容盡泯此觀潑寒胡戲之類所以皆書于冊為世鑒也

皇太后武氏崩

太后崩於上陽宮年八十一遺制去帝號赦王蕭二族及褚遂良韓瑗柳奭親屬上居諒陰以中書令魏元忠攝冢宰三日元忠素負忠直之望中外賴之武三思矯

太后遺制慰諭元忠賜實封百戶元忠捧制感咽涕泗見者曰事去矣胡氏曰元忠慷慨論事屢瀕危殆無所

屈折是以利為輕以義為重矣實封百戶於宰相何如馬而至於懷感悲涕何也蓋至是義氣不勝有貪志焉

卒為三思所陷容循默坐視五王夷滅政事紊亂不

敢一言而卒亦不免孔子曰振也慾焉得剛元忠之謂矣○將以太后合葬乾陵給事中嚴善思上疏曰神

之道躰尚幽玄今欲啓之恐致驚駭况

合葬非古宜於陵旁更擇吉地不從

**集覽**

容容循默

**質實**

諒

擇善否皆兩容之也循默謂因循守職靜默不語也又容容多厚福注見漢順帝永建元年



注見漢昭帝元平元年家宰官名注見陳宣帝太建九年六卿韓瑗京兆三原人仲良之子上陽宮注見高宗乾封二年乾陵注見嗣聖元年

**發明**

則天大聖皇帝其崩也以其所尊者書之可也而綱目乃以皇太后武氏書之蓋不予其為皇帝也是何也女不可以統男皇帝本非婦人女子之所得而稱者也書之曰太后武氏崩則凡其生時所自稱及人所以尊者皆非所宜也如是書之不啻足矣今史綱直斥其姓名而且以死書何嗚呼武氏起自閭閻使其不入宮闈一匹婦耳所以生得為后死得書崩徒以其作配高宗以承唐家之宗祀焉耳今武氏為人妻則淫蕩為人妾則妬害為人母則殘虐為一人婦則廢人之宗祀滅人之國祚殺人之族屬凡其一生所以孤人之子寡人之妻絕人之宗祀不知其凡幾百千萬矣其於李氏固已義絕豈不可以列李氏之園陵祭不可以入李氏之宗廟由是觀之乃天地間一不仁不義之婦人耳死全首領固已為幸而又稱之以為后書之以為崩何以誅絕其既往而示戒於將來哉必若直斥其名而且以死書之之為愈

**戶部奏是歲天下戶口之數**

戶六百一十五萬口三千七百一十四萬有奇

**書法**

書戶口之數始此終綱目書戶口數七是年玄宗開元十四年二十八年天寶十三年代宗廣德二年文宗開成四年武宗會昌五年德宗建中元年皆唐也

**二年春正月以李嶠同三品于惟謙同平章事○制太平**

**安樂公主各開府置官屬**

安樂公主恃宠賣官鬻獄勢傾朝野或自為制救掩其文令上署之上笑而從之竟不視也自請為皇太女上雖不從亦質實安樂縣名注見漢高后六年狄道

**書法**

書開府置官屬多矣未有以公主書者公主而有此制中宗之徇也直書譏之

午丙



**發明** 武氏雖曰亂唐然大權在已政出于一故能控  
縱女謁甚至下令特令公主開府置官屬書  
之于冊不惟遠愧乃祖亦且近愧乃母矣

史 以平陽王敬暉扶陽王桓彥範南陽王表恕已為諸州刺

武三思惡暉等居京師出之暉滑州  
彥範洛州恕已豫州尋復左遷遠郡  
年滑州注見隋恭帝皇泰二年豫  
州注見漢光武建武十九年汝南

二月以韋巨源同三品

詔與皇后  
叙宗族

制僧慧範道士史崇恩等並加五品階

**書法** 自武氏始書僧拜官於是再見僧道五品是襲  
武氏之跡也再亂宜矣終綱目書僧有官二懷

義慧範不空書道士有官三崇恩  
劉玄靜杜光庭本教官稱不與焉

**發明** 夫所謂僧道士者果何物哉就其本法言之清  
虛寂滅者也而乃加以品秩不惟玉法之所不  
容是亦彼法之所惡者書之于冊  
豈不深可為笑而適足以為戒哉

置十道巡察使考異 提要置上  
當有圈字

選內外五品以上官二十人為十道巡察使委之察吏  
撫人薦賢直獄二年一代考其功罪而進退之姜師度

馬懷素源乾曜盧質實 姜師度魏州魏縣人源乾曜相  
懷慎李傑皆預焉

相州滏陽人

韋安石罷以蘇瓌為侍中唐休璟致仕○三月殺駙馬都

尉王同皎

初宋之問及弟之遜皆坐附會張易之貶嶺南逃歸東  
都匿於友人王同皎家同皎疾武三思及韋后所為每

通鑑綱目卷四十二



與所親言之輒切陸之遜密告三思三思使人告同皎  
與武當丞周憬等謀殺三思廢皇后皆坐斬之問之遜  
並除京官憬亡入比干廟大言曰比干古之忠臣知不  
此心二思與皇右淫亂傾危國家行當梟首都市恨不  
及見耳  
遂自到質實  
宋之問西河人武當縣名注見漢昭帝元鳳元年  
首注見漢靈  
帝建寧元年

### 大置負外郎

置負外官自京師及諸州凡二千餘人宦官超遷七品  
以上負外官者又將千人魏元忠自端州還為相不復  
疆諫惟與時俯仰中外失望酸棗尉袁楚客以書責之  
曰主上新服厥命惟新厥德當進君子退小人以書責之  
化豈可安其榮寵循默而已今不早建太子擇師傳而  
輔之一失也公主開府置僚屬二失也崇長繼衣借勢  
納賂三失也非優小入竊盜品秩四失也六有司選賢皆  
以貨取勢求五失也寵進宦官殆滿千人六失也王公  
貴戚賞賜無度競為侈靡七失也廣置負外官傷財害  
民八失也先朝宮女出入無禁交通請謁九失也左道

之人榮惑主聽竊盜祿位十失也凡此十失君侯不若  
誰正之哉元忠得書愧謝而已胡氏曰中宗昂護豈不若  
武后之烈三思凶焰豈若周來之甚元忠不懼武后而  
畏三思是何也血氣既衰戒之在得故也簞食豆羹不  
得則死然蹴而與之乞人不屑者血氣尚勝故也萬鍾  
之祿與不得則死者相去遠矣然有不辨理義而受之  
者血氣衰故也知所戒則志  
集覽  
周來之甚武后時  
吏之質實  
端州注見梁武帝太清二年魏元忠宋州宋  
九者  
城人酸棗縣名注見周慎靚王四年左道注  
見漢成帝  
末始二年

### 書法

嘗書置負外同正官矣未書大也於是始書大  
書大何譏濫也中外合三千餘人其濫莫甚於  
此矣

### 發明

前書公主置官屬此書大置  
負外官亂政若此不亡得乎

夏四月李懷遠致仕○殺處士帝月將以尹思貞為青州



刺史宋璟為貝州刺史

慶士韋月將上書告武三思潛通宮掖必為逆亂上大怒命斬之黃門侍郎宋璟奏曰人言中宮私於三思陛下不問而誅之臣恐天下必有竊議固請按之上不許璟曰必欲斬月將請先斬臣不然臣終不敢奉詔上怒少解御史大夫蘇珣大理卿尹思貞皆以為方夏行戮有違時令上乃命杖而流之嶺南過秋分一日平曉廣州都督劉仁軌斬之御史大夫李承嘉附武三思詆尹思貞於朝思貞曰公附會姦臣將圖不軌先除忠臣邪承嘉怒劾奏思貞出為青州刺史武三思惡宋璟出之檢校貝州刺史范氏曰自古殺諫臣未有不亡國者中宗愚闇足以取亡而高祖太宗德澤未遠人心天命未厭唐也故禍及其身而已矣

**質實**

處上注

王元年蘇珣藍田人廣州注見秦始皇三十三年南海不軌注見漢靈帝光和五年青州注見漢桓帝永康元年貝州注見漢安帝建光二年

**書法**

隱士書殺韋祖思見之矣晉恭帝元熙元年於是再見殺至慶士而中宗之為君可知矣月將

以諫見殺曷為不以諫者書是年若曰韋氏宮掖之慙德雖山林之人皆知之矣而帝不之悟書慶士所聞宮掖之事亦出位甚矣書交病之

**發明**

慶士不道無足論者然綱目上書殺慶士韋月將下書以尹思貞宋璟為刺史又以著二人因

諫見貶爾彼其為刑濫殺既我言者又迎諫臣未幾身弒統絕其為後王鑑豈不深切著明也哉

五月葬則天皇后於乾陵

**質實**

乾陵高宗之墓注見嗣聖元年

**書法**

后葬不地合葬也於乾陵常矣其書何罪大臣也武氏得罪宗廟溝而絕之可矣乃合葬焉特

書於乾陵所以識大臣之不能斷也是故唐后之葬惟則天書乾陵不宜合而合也惟興慶書景陵之側宜合而後也宣宗大中三年綱目之意微矣終綱目后葬書地七詳漢宣帝本始三年

○六月貶敬暉桓彥範張柬之袁恕已崔玄暉為遠州司馬



武三思使鄭愔告敬暉等與王同皎通謀貶暉崖州外長任

新州秦南海郡也梁武置新州屬廣東寶州漢合浦地

質實崖州注見漢武帝元鼎六年珠崖一統志云龍州

平原郡梁兼置瀧州隋初郡廢改為瀧州天寶初改為開

陽郡乾元初復為瀧州宋初隸肇慶府新州注見梁武帝大

同七年寶州本秦南海郡地漢屬蒼梧郡隋屬永熙郡

唐置信義縣為南扶州治貞觀初州罷以縣隸瀧州尋

於縣置寶州宋以特亮譚我懷德三縣併入信義改為

信宜縣熙寧中寶州廢以縣屬高州元仍舊本朝改為

之改屬高州府白州注見高祖武德五年

初韋玄貞流欽州而卒蠻酋寧承基逼取其女玄貞妻

崔氏不與承基殺之及其四男至是廣州都督周仁軌

討承基斬之故有是命質實欽州注見隋文帝開皇十七年

及韋氏敗仁軌亦誅命質實帝開皇十七年

秋七月立衛王重俊為皇太子

太子性明果而官屬率貴遊子弟所質實姚珽陝州人

為多不法左庶子姚珽屢諫不聽質實石人衛州名

注見秦王政六年朝歌

以李嶠為中書令

初李嶠為吏部侍郎欲樹私恩再求入相奏大置負外

官廣引貴勢親識既而為相銓衡失序府庫減耗乃更

表言濫官之弊且請質實銓衡注見晉穆

遜位上慰諭不許帝興寧二年

敬暉桓彥範張柬之袁恕已崔玄暉為武三思所殺

武三思陰令人疏皇后穢行勝於天津橋請加廢黜上

大怒命李承嘉窮覈其事承嘉奏言敬暉等所為請族



誅之上可其奏大理丞李朝隱奏稱暉等未經推鞠不  
可遽就誅夷乃長流暉於瓊州彥範於瀋州東之於瀧  
州三思已於環州玄暉以大理正周利先為五王所惡  
之賤官乃薦之三思使攝侍御史奉使嶺外比至東之玄  
暉已死遇彥範於貴州令左右縛之或於竹槎之上肉  
盡至骨然後杖殺得暉骨而死之怒已素服黃金利用  
逼之使飲野葛汁盡數升而死不勝毒憤培地瓜果殆  
盡仍捶殺之利用還擢拜御史中丞三思既殺五王勢  
傾人主常言我不知代間何者謂之善人何者謂之惡  
人但於我善者則為善人於我惡者則為惡人耳時宗  
楚客宗晉卿紀處訥甘元東皆為三思羽翼周利用冉  
祖雍李俊宋之遜揚紹之皆集覽瓊州在海外唐以崖  
為三思耳目時人謂之五狗

**集覽**

瓊州在海外唐以崖

川瀼音曩廣南北外唐置瀼州瓊州廣南化外唐開生

以手把土也代質實天津橋注見隋煬帝大業十三年

元鼎六年珠崖環州注見本年鳴沙及原會古州莫詳

司乃元初所置之本朝改為古州蠻夷長官司仍屬焉

未知是否姑錄之以備參考貴州注見梁武帝大同十

**書法**

不書三思殺書為所殺何咎暉等也惡本不除

**發明**

入綱目以來淫刑濫殺固亦多矣未有書某人

氏亂唐人神共怒敬暉等并謀協智不遺餘力僅能

反正復辟方是之時儻能深明大義數武氏滅唐社

稷之罪廢而絕之然後取其黨與族類必殺無赦盡

天靈下釋四海臣民之憤若弗暇也夫何謀之不

滅復能誅二張等輩而禍本亂根反置不問遂使餘

綱目於此不書武三思殺敬暉等而書暉等為三思

所殺變文起義若曰三思非能殺暉等暉等自為三

通鑑綱目卷四十一 唐紀六十四 唐紀六十四



虜斷以至此極是以深為歎惜之也然則三思獨無  
貶乎曰傾覆社稷之黨迷國亂朝之賊濁穢宮闈之  
徒其惡猶待貶絕而後見乎

冬十月車駕還西京○十一月以竇從一為雍州刺史

從一舊名懷貞避皇后父諱更名從一太平公主與僧  
寺爭碾磴雍州司戶李元絃判歸僧寺從一懼命改判  
元絃大署判後曰南山可奪

**集覽**

碾磴碾女箭反磴五對  
反皆磨屬所以礮穀出

者米

流鄭普思於儋州

鄭普思聚黨於雍岐二州謀作亂事覺西京留守蘇瓌  
收繫窮治之上抑瓌而佑普思侍御史范獻忠進曰請  
斬蘇瓌上曰何故對曰瓌為留守大臣不能先斬普思  
然後奏聞使之熒惑聖聽其罪大矣且普思反狀明白  
而陛下曲為申理王者不死殆謂是乎魏元忠曰蘇瓌  
長者用刑不枉普思法當死上不得已流普思於儋州

餘黨皆

**質實**

雍岐二州雍注見玄宗開元十一年京兆  
岐注見周顯王八年儋州注見漢武帝元

鼎六年  
儋耳

十二月突厥默啜寇鳴沙

默啜寇鳴沙靈武總管沙吒忠義與戰軍敗死者六千  
餘人突厥進寇原會等州掠隴右牧馬萬餘匹而去詔  
訪群臣計策右補闕盧補上疏曰卻穀說禮敦詩書  
為晉元帥杜預射不穿禮建平吳之勳是知中權制謀  
不取一夫之勇如沙吒忠義驍將之材本不足以當大  
任又鳴沙之役主將先逃宜正邦憲賞罰既明敵無不  
服又邊州刺史宜精擇其人使之蒐卒乘積資糧來則  
禦之去則備之去歲四方旱災未易興師當理內以及  
外綏近以來遠俟倉廩實士卒

**集覽**

默啜突厥君長名  
鳴沙故靈州縣成

亨初以為安樂州治小說靈州有沙磧之有聲故曰鳴  
沙五代晉高居誨使于闐記自靈州過黃河行三十里  
始涉沙行五百里至涼州西五百里至甘州西門始  
涉磧西北五百里至肅州西出天門關又西出玉門關



西至瓜州州南十里鳴沙山冬夏殷殷有聲如雷云禹  
貢流沙也沙吒虜復姓吒知加反卻毅春秋晉文公之  
謀帥也射不穿札言射無力也射穿七札注見高宗儀  
鳳三年蒐卒乘練習士卒車乘也左傳成十六年蒐乘  
卒補質實一統志云鳴沙古鎮名此地人馬行沙有聲故  
沙縣大業初州罷唐貞觀中復置環州尋廢以縣屬靈  
州神龍初為默啜所據咸通中收復仍於鳴沙縣置安  
樂州以慶吐谷渾部落後沒于吐蕃大中間收復改置  
威州徙治方渠以鳴沙為屬縣元初於此立鳴沙州今  
廢故城在寧夏衛城東南一百五十里靈武郡名注見  
太宗貞觀二十年原會等州原州注見漢光武建武六  
年高平會州隋初改曰環州大業初州罷魏為鎮屬靈州後  
郡唐初復置會州貞觀初更置環州咸亨中改置安樂  
州太中開改置威州五代初廢晉復置威州治方渠縣  
以通遠縣省入州屬鞏昌路本州治通遠縣金因之元  
府卻毅說禮樂敦詩書為晉元帥卻毅行唐人晉文公  
蒐於被廬作三軍謀元帥趙衰曰卻毅可公曰何以知

未丁

景龍元年春二月復崇恩廟

其可也衰曰卻毅說禮樂而敦詩書必知御兵之道公  
乃使毅將中軍使卻臻佐之杜預射不穿札建平吳之  
勳杜預杜陵人畿之孫博學時號杜武庫晉武帝時為  
河南尹荆州都督羊祜舉預自代拜為征南將軍決策  
平吳以功封為當陽侯嘗  
作春秋左傳集解傳世

上遣武攸暨三思詣乾陵祈雨既而雨降大喜制復武  
氏崇恩廟及見陵順陵因名鄴王廟曰褒德陵曰榮先  
不制崇恩廟齋即取五品子充太常博士楊孚曰太廟  
皆取七品以下子為齋即今崇恩廟取五品子未太廟  
廟當如何上令太廟亦準崇恩廟乎曰以臣準君猶為  
僭逆况以君準臣乎上乃止右補闕權若訥上疏曰天  
地日月等字皆則天龍制書並依貞觀故事豈可近捨  
存之以光孝理又神龍制書並依貞觀故事豈可近捨  
母儀遠尊祖德疏奏手制褒美  
尋救自今奏事不得言中興  
集覽鄧王后父韋玄貞  
兩京郊社署共一百二十人掌供郊禘之役禮部奏補  
太廟以五品以上子孫及六品職事併清官子為之六

通鑑綱目卷四十一



考而滿郊社以六品職事官子為之八考而滿皆讀兩  
經粗通限年十五以上二十以下擇儀狀端正無疾者  
充祭享而負少兼取三館學士更一番者戶部下蠲符  
歲一申考如論語及一大經中第者錄奏吏部注名籍  
散官否者番上如初六試而出授散官天  
地日月等字注見嗣聖六年改造十二字  
尊考為太皇妣為太  
后墓曰吳陵順陵

**發明**

武氏為李氏婦而滅唐宗廟惟恐不及中宗為  
唐子孫而復武氏廟亦惟恐不及據事直書義  
自見矣雖然逐我者出納我者死此衛子鮮之所  
議衛衍者也中宗廢於武氏擯斥幾死而崇之獎之  
恩意有加復於五王而貶之殺之不啻  
仇敵勸沮若此其及宜矣非不幸矣

**二月吐蕃遣使入貢**

**質實**

吐蕃西羗屬名注  
見太宗貞觀八年

夏六月朔

**日食**

質實 日食注見新  
莽天鳳元年

秋七月太子重俊起兵誅武三

**思武崇訓兵潰而死**

**考異**

按凡例用兵於臣子之僭叛者  
日討得其罪人曰誅此起兵討

賊而未得其罪人  
但當書討誤作誅

皇太后以三思故每下制救推尊武氏三思尤忌太子  
官婕妤以三思故每下制救推尊武氏三思尤忌太子  
教安樂公主請廢太子太子積不能平與李多祚等矯  
制發羽林兵三百餘人殺三思崇訓于其第又使成王  
千里分兵守宮城諸門太子與多祚上宮媿好登玄武門  
上媿好上乃與韋后安樂公主多祚上媿好登玄武門  
樓以避之宮闈令楊思勗擊斬多祚前鋒多祚軍奪氣  
上俯謂多祚所將千騎曰汝輩皆朕宿衛之士何為從  
多祚反苟能斬反者勿患不富貴於是千騎斬多祚等  
餘衆皆潰千里攻延明門將殺宗楚客紀處訥不克而  
死太子亦為左右所殺上以首獻太廟及祭三思崇  
訓之柩然後梟之朝堂官屬不敢近永和縣丞甯嘉勗  
號哭解衣暴之坐殿上以思勗為陵給事中盧粲駁之  
常侍安樂公主請以崇訓墓為陵給事中盧粲駁之  
主怒出梅福譏切王氏獨何人哉乃上書請立太子為  
歎曰梅福譏切王氏獨何人哉乃上書請立太子為  
深切太平公主欲表為諫官豫耻之逃去胡氏曰衛  
憤欲殺南子至於出奔春秋罪之重俊則又甚矣多祚



無外庭大臣廢昏立明之策獨舉禁兵以子脇父其事  
逆矣既殺三思欲遂中止其可得乎為多祚者於重俊  
之請拒之可也不知春秋之義陷於誅死不亦傷乎  
安樂公主及兵部尚書宗楚客謀使侍御史冉祖雍等  
誣奏相王及太平公主云與重俊通謀上使御史中丞  
蕭至忠鞫之至忠泣曰陛下不能容一第使御史中丞  
羅織害之乎相王昔為皇嗣固請以天下讓陛下累日  
不食陛下柰何疑之上素友愛事遂寢右補闕吳兢上  
疏曰相王同氣至親六合無貳而賊臣日夜連謀乃欲  
陷之極法夫任以權則雖疎必重奪其勢則雖親必輕  
自古委信異姓猜忌骨肉以覆國亡家者幾何人矣况  
國家枝葉無幾陛下登極未久而一子以弄兵受誅一  
子以愆違遠竄惟餘一弟朝夕左右尺布斗粟之譏不  
可不慎青蠅之詩良可畏也相王寬厚恭謹安恬好讓  
故免集覽千騎初太宗選官戶及蕃口驍勇者著虎文  
於難集覽木跨豹文韉從遊獵於馬前射禽獸謂之百  
騎則天時增為千騎隸左右羽林中宗增為萬騎梅福  
譏切王氏漢成帝時大將軍王鳳等專朝梅福上書譏  
切之按譏切猶言誚責也崩噴欲殺南子崩噴春秋衛  
靈公太子也南子靈公夫人也左傳定十四年崩噴欲

殺南子不果奔宋崩苦恠反噴五恠反羅織網羅無辜  
織成反狀也青蠅小雅詩刺幽王也營營青蠅文公集  
傳曰營營往來飛聲亂人聽也青蠅汗穢能變白黑詩  
人以王好聽逸言故以青蠅飛聲比之而戒王以勿聽  
也質實一統志云永和縣本漢河東郡孤講縣地魏始  
置臨河郡及臨河縣隋初罷郡改縣曰永和屬隰州唐  
初移治仙芝谷置東和州貞觀中州罷以縣屬隰州宋  
金元俱仍舊王本朝因之改屬平陽府盧祭幽州人陳  
州注見周赧王三十七年襄邑縣名注見漢順帝陽嘉  
二年席豫襄陽人蕭至忠蘭陵人陛下注見漢光武建  
武二十七年吳兢汴州浚儀人尺布斗粟之譏事在漢  
文帝八年

**書法**

漢據書反此則曷為不以反書江充既死太子

矣若重俊者迫於三思崇訓之謀且方是時二武之  
強又非可以徒手取也綱目於重俊書起兵而三思  
崇訓書誅權衡審矣



**發明** 天子在上太子無故稱兵何不以及書之三思  
憤憤之心起而戮之故綱目書起兵書誅所以正三  
思崇訓之罪耳若夫兵潰而死天固不使中宗得有  
其子也

### 帝后並加尊號

皇后帥王公上表加帝號曰應天神龍皇帝宗楚客  
又帥百官表請加皇后為順天翊聖皇后上並許之  
**書法** 前書群臣上皇帝皇后尊號此則曷為以自加  
為文譏不在下也帝后一躰皇后而表加帝號  
是欲群臣之尊已也帝而許皇后之意微矣  
加也故雖宗楚客之請不書綱目之意微矣

### 貶魏元忠為務川尉道卒

元忠以武三思擅權意常憤鬱及太子重俊起兵遇元  
忠子太僕少卿昇於永安門賜以自隨太子死昇為亂  
兵所殺元忠揚言曰元惡已死雖昂鏞何傷但惜太子  
隕沒耳宗楚客等共誣元忠云與太子通謀請夷三族

制不許元忠懼表請致仕楚客等又使御史中丞姚廷  
筠劾之貶渠州司馬又令給事中冉祖雍奏元忠不應  
佐州揚再思李嶠及御史袁守一皆贊之乃貶務川尉  
行至涪陵而卒胡氏曰當元忠被召之時三思擅權五  
王受制韋后內亂妖妄肆行事可知矣元忠聞之遂巡  
不至上也一見新君慶其復位密進忠益稱病而退次  
也亟就相位依違取容名節盡隳而終亦 **質實** 渠州注  
不免可以為知進而不知退者之戒矣 **質實** 渠州注  
帝永嘉五年宕渠一統志云務川禹貢荊州流裔春秋  
戰國屬楚為黔中地秦屬黔中郡漢為武陵郡地後周  
屬清江郡隋置務川縣屬庸州尋廢庸州以縣屬巴東  
郡唐初置務州治務川縣貞觀中改為思州天寶初改  
為寧夷郡乾元初復為思州宋改為羈縻州政和中復  
改思州宣和間罷紹興初復置元置思州軍民安撫司  
至元間改為宣撫司隸湖廣行省本朝為思南府  
隸貴州布政司涪陵縣名注見晉惠帝大安二年

### 九月以蕭至忠宗楚客紀處訥同三品于惟謙罷

至忠上疏曰恩倖者止可富之金帛不可以公器為私  
用今列位已廣干求未厭陛下救降不貸之澤近戚有



無涯之請賣官鬻法公違憲章  
徒參官曹無益時用上不聽

**質實**

不質之澤注見漢順帝永建二年不

僧慧範有罪削其階爵

慧範為銀青光祿大夫上庸公於東都作大像府庫為

之虛耗上及韋后皆重之無敢指目者侍御史魏傳弓

發其姦賊四十餘萬請實極法上欲宥之傳弓曰刑賞

國之大事陛下賞已妄加宜刑所不及上乃削黜慧

範放于家宦官薛簡等恃寵犯法傳弓奏請誅之御史

大夫竇從一懼因止之時宦官用事從一為雍州見御

者無鬚必**質實**上庸縣名注見周赧王十一年東都注

曲加承接**質實**見秦注襄王元年三川雍州注見玄宗

年開元十一年京兆

**書法**僧罪非謀反作亂不書此何以書重階爵也慧

矣故因其有罪特書之

以楊再思為中書令韋巨源紀處訥為侍中○改羽林千

騎為萬騎**質實**羽林衛名注見漢○殺習藝館內教蘇安

恒安恒於高好奇太子誅武三思安恒語人曰此我之謀也故及

**書法**安恒掠名取禍一再言人所難殺何病中宗也帝

未復位安恒一再言人所難殺何病中宗也帝

就使果聞此謀猶將宥之實有功而無報虛得罪

而受誅是帝之愛三思甚於愛身也故書殺病之

冬十二月朔日食○遣使詣江淮贖生

**考異**

據漢延熹八年書左恠之

苦縣此詣字當作之

中書舍人李義諫曰江南鄉人採捕為業魚鱉之利黎

元所資江湖生育無限府庫供支易殫與其極物豈若

憂人且鬻生之徒唯利斯視錢刀日至網罟年滋施之



申戊

國愛人其

**集覽**

錢刀漢食貨志貨寶於金利於刀索隱曰有契刀錯刀契刀長二寸直五百錯

刀以黃金錯直五千其形也如

**書法**

使贖生書遣使皆譏之

二年春二月赦

宮中言皇后衣笥裙上有五色雲起上令圖以示百官

侍中韋巨源請布之天下從之仍赦天下迎葉志忠奏

昔神堯未受命天下歌桃李文皇未受命天下歌秦

王破陣樂則天未受命天下歌斌媚娘皇后未受命天

下歌桑條韋謹上桑條韋歌十二篇請編之樂府皇后

祀先蠶則奏之太常卿鄭愔又引而申之上悅皆受厚

賞**集覽**斌媚娘曲名也斌周甫反太宗始召武后為才

條韋永微末里歌有桑**質實**祀先蠶注見高

條韋也女條韋也樂**質實**宗上元二年

三月朔方總管張仁愿築三受降城

初朔方軍與突厥以河為境時默啜悉眾西擊突騎施

仁愿請乘虛奪取漠南地於河北築三受降城首尾相

應以絕其南寇之路六旬而成以拂雲祠為中城距東

西城各四百餘里皆據津要於牛頭朝那山北置烽候

千八百所自是突厥不敢度山畋牧減鎮兵救萬人仁

愿建城不置墜門守具或問之仁愿曰兵貴進取寇至

當併力出戰回首望城者斬之安用守備生其退惡之

心也其後常元措為總管始築墜門人以是重仁愿而

輕元**集覽**三受降城中城南直朔方西城南直靈武東

城本漢雲中郡在榆林縣東北八十里中城本秦九原郡

地在榆林西城在今豐州西北八十里拂雲祠朔方郡

與突厥以河為界北厓有拂雲祠突厥每犯塞必先謁

祠禱解然後料兵度而南也牛頭山名也在白登之北

天山之東朝那注**質實**朔方郡名注見漢武帝元朔元

見漢文帝十四年**質實**朔方郡名注見漢武帝元朔元

仁愿所築東受降城在大同府城西五百里東勝州

東北八里本漢雲中郡地寰宇記云此城東南至朔州

四百里西至中受降城三百里中受降城在大同府城

西北五百里本漢九原縣地唐貞觀初立雲中都督府



後置橫塞軍遼置雲內州舊領雲川柔眼二縣元省入  
州西受降城在大同府城西北四百三十里古豐州西  
北八十里烽候注見齊  
高帝建元四年烽燧

**書法** 赭圻午温譏專也此書張仁  
愿何予功也美惡不嫌同辭

### 夏四月置脩文館學士

置脩文館學士選公卿善為文者李嶠等二十餘人為  
之陪侍遊宴賦詩屬和使上官昭容第其甲乙於是天  
下靡然爭以文華相尚儒  
學忠讜之士莫得進矣  
**集覽** 上官昭容上官復姓也  
名婉兒昭容婦官名也  
九嬪  
之

**書法** 以學士名官  
始見于此

### 秋七月以張仁愿同三品○始用斜封墨敕除官

安樂長寧公主上官婕妤皆依勢用事請謁受財降墨  
敕除官斜封付中書時人謂之斜封官其員外同正試

攝檢校判官凡數千人婕妤立外第出入無節朝士  
往往從之遊處以求進達安樂公主尤驕橫宰相以下  
多出其門奪民田作定昆池延袤數里以上好擊毬灑  
油以築毬場上及皇后公主多營佛寺左右拾遺辛替否  
上疏曰臣聞古之建官負不必備故士有完行家有廉  
節朝廷有餘俸百姓有餘食今陛下百倍行賞十倍增  
官使府庫空竭流品混淆陛下又以愛女之故竭人之  
力朝士不盡忠人既散矣獨提所愛何所歸乎君以人  
為本本固則邦寧邦寧則陛下之夫婦母子長相保矣  
若以造寺必為理躰養人不足經邦緩其所急急其所  
緩親未來而踈見在失真實而冀虛無一旦風塵再擾  
霜電荐臻沙彌不可操干戈寺塔不足攘饑餓臣竊惜  
之疏奏不省時斜封官皆不由兩省而授兩省莫敢執  
奏吏部負外郎李朝隱前後執破一千四百餘人怨謗  
紛然朝隱一無所顧清源尉呂元泰亦上疏諫造寺曰  
邊境未寧轉輸疲弊而營建佛寺勞費無極昔堯舜禹  
湯文武惟以儉約仁義立德垂名晉宋以降塔廟競起  
而喪亂相繼由其好尚失所人不堪命故也伏願回營  
造之資供疆場之費使烽燧永息群生富庶則如來慈



悲平等之心

**集覽**

負外同正試攝檢校判知官此皆出

孰過於此

曰負外資格謂負數之外別置者同正一曰同正負謂

與正負資格同也有試某官攝某官檢校某官判某司

事知其事者其名類不一皆非本制定昆池欲以勝昆

明池故名定昆池明皇雜錄曰定者言可抗訂之也朝

野僉載云池方四十九里直抵南山爰數子而取三怨

數子謂安樂公主長寧公主及皇后妹邠國夫人上官

婕妤等三怨謂竭人力費人財奪人家也沙彌釋氏要

覽曰沙彌僧始落髮後之稱華言為息慈謂安息在慈

悲之地也善見律云沙彌

雖未具戒亦入比丘數

**質實** 兩省謂中書省門下省

漢書云舊名禁中避元后諱故改名省中饑饉注見隋

煬帝大業十二年疆場注見漢靈帝建寧二年烽燧注

見齊高帝建元四年

冬十一月突騎施犯塞遣將軍牛師獎將兵討之

**考異** 當

擊作

突騎施烏質勒卒子娑葛自立為可汗故將闕發忠節

不服數相攻擊總管郭元振奏追忠節入朝宿衛忠節

行至播僊城以經畧使周以悌說之曰國家不愛高官顯

爵以待播君者以君有部落之衆故也今脫身入朝一老

胡耳豈能惟不能保寵祿死生亦制於人手今宰相宗楚

客紀處訥用事不若厚賂二公請留不行發安西兵及

引吐蕃以擊娑葛求阿史那獻為可汗以招十姓使郭

虔瑾發枝汗那兵以自助既不失部落又得報仇比於

入朝豈可同日語哉虔瑾時為西邊將忠節然其言遣

間使賂楚客處訥如以悌之策元振聞其謀上疏曰往

歲吐蕃所以犯邊正為求十姓四鎮之地不獲故耳比

以國多內難故且屈志請和其心豈能忘十姓四鎮哉

今如忠節之計恐四鎮危機將從此始吐蕃得志則忠

節在其掌握豈得復事唐也往年吐蕃無恩於中國猶

欲求地今若有功請分于闐疎勒不知何以抑之是以

古之智者皆不願受夷狄之惠蓋預憂其求請無厭終

為後患故也阿史那獻父叔兄弟皆嘗立為可汗使招

十姓卒不能致尋自破滅何則此屬非有過人之才雖

復可汗舊種衆心終不親附况獻又疏遠於其父兄乎

虔瑾前此已嘗與忠節擅入枝汗那發兵不能得其片

言

言

言

言

言

言

言

言

言

言

言

言

言

言



甲四馬徒致侵擾今此行必不能得志徒與虜結隙令  
四鎮不安實為非計楚客等不從遣馮嘉賓持節安撫  
忠節侍御史呂守素處置四鎮以將軍牛師獎為安西  
副都護發甘涼兵兼徵吐蕃以討娑葛忠節逆嘉賓於  
討舒河口娑葛遣兵襲之  
**集覽** 拔汗那即寧遠國古烏  
生擒忠節殺嘉賓守素  
跋于闐注見漢武帝元符元年  
甘涼甘漢張掖郡涼漢武威郡皆在河西本匈奴休屠  
王地按五代晉高居誨使于闐記自靈州過黃河行三  
十里始涉沙自此沙行四百餘里登沙嶺度白亭河至  
涼州自涼州西行  
**質實** 安西郡名注見高宗永淳元年  
五百里至甘州  
十二年間使注見漢武帝元符元年四鎮注見高宗調  
露元年甘涼二州名甘注見晉安帝隆安元年張掖涼  
注見漢光武建武十年武威

**安樂公主適武延秀**

**考異** 安上漏以字

武崇訓之弟延秀美姿儀善歌舞  
**集覽** 安樂公主適武  
公主悅之崇訓死遂以延秀尚焉  
延秀源流至論

曰唐史例曰某人尚公主今綱目例不曰  
尚而曰公主適某人此所以明人倫也

**書法**

公主下嫁書以許與行不同時則不書以止書  
適前適武崇訓不書此其書何續倫也先是主

以崇訓弟延秀美悅之崇訓死因以尚焉  
其悖不通問之禮文矣書適延秀譏之也

**發明**

不書延秀者言以則出於上命不言以則安樂公  
主適延秀者言以則出於上命不言以則安樂公

自適之也夫延秀乃崇訓之弟公主先適崇訓則於  
延秀為嫂氏今崇訓誅未幾公主悅延秀而適之

則是知有男女而不知有嫂叔是亦匹鳥之不若爾  
書法如此既已著安樂淫奔之醜又以病中宗不若爾

也之惡

**徵武攸緒入朝**

召武攸緒於嵩山敕禮官於兩儀殿設位行問道之禮  
令攸緒以山服見不名不拜攸緒至趨立辭見班中再  
拜而退屢加寵錫皆辭不受親貴調候寒溫之外不交  
一言起君舍人武平一亦表請抑損外戚權寵不取斥



言韋氏但請抑損已家優制不許太平安樂公主各樹朋黨更相譖毀上謂平一曰親貴多不輯睦以何法和

之乎一以為宜斤逐姦險抑慈存

嚴示以知禁無令積惡上不能用

人掌記錄天子言動以脩紀事之史百官志起居舍人

二人隨宰相入殿若伏在紫宸內閣則夾香案分立殿

下直第二螭首和墨濡

筆皆即切處時號螭頭

質實 嵩山注見嗣聖十二年兩儀殿未詳處所武平一太

原

書法 自武德以來非蠻夷未有書入朝者書攸緒何錄賢也攸緒於是三見綱目矣賢之故詳書之

牛師獎與突騎施戰敗沒遂赦娑葛立為可汗

牛師獎與娑葛戰敗沒娑葛遂陷安西斷四鎮路遣使上表求宗楚客頭楚客又奏以周以悌代郭元振遣阿

史那獻討娑葛娑葛遣元振書稱我與唐初無惡但宗尚書受闕毀金欲枉破奴部落又聞史獻欲來恐徒擾

軍州未有每日亡大使商量處置元振奏娑葛書楚客怒奏元振有異圖召將罪之元振遣子具奏其狀亡留

定西土以悌竟坐流白州復以元質實 白州注見高祖

振代之赦娑葛罪用為十姓可汗

夷狄君長號注見 武德五年可汗

漢後主景耀四年

書法 前書犯塞書討之是可罪也於是一戰而敗遂即赦之且立為十姓可汗唐之失馭甚矣故特

書遂遂 遷辭也

以婕妤上官氏為昭容

昭容不書書上官氏何譏寵過也斬

閣叩閣之變帝曾不戒而又甚焉

○召王公近臣入閣守歲

召王公近臣入閣守歲

召王公近臣入閣守歲酒酣上謂御史大夫竇從一曰

聞卿父無伉儷今夕為卿成禮從一拜謝俄而內侍引

燭籠步障金縷羅扇其後有人衣禮衣花釵令與從一

對坐却扇易服乃皇后老乳母王氏本蠻婢也上與侍

臣大笑詔封言國夫人嫁為從一妻俗謂乳母之婿曰

阿翁從一每進表狀自稱翅聖皇后阿翁欣然有自負

言

書

書

書

書

書

書

書

書

書

書

書



色之集覽

步障晉王愷作紫絲布步障石崇作錦步障疑之妻謝氏施青綾步障自蔽與賓客談議按

步障今里愚是也以小竹交結為之衣以布或帛可舒可卷阿奢奢之奢反吳人呼父曰奢

質實

注見漢獻帝建安十五年言國

三年春正月幸玄武門觀宮女拔河

考異

幸上漏帝字

幸玄武門與近臣觀宮女拔河又命宮女為市肆公卿為商旅與之交易因為忿爭言辭褻慢上與后臨觀為

樂上每與近臣宴集令各效伎藝以為樂國子司業郭山暉獨歌鹿鳴蟋蟀明日賜山暉救嘉美之又嘗宴侍

臣使各為迴波辭諫議大夫李景伯曰迴波爾持酒厄微臣職在箴規侍宴既過三爵諠譁竊恐非儀上不悅

蕭至忠曰此真諫官也嘗幸定昆池命從官賦詩黃門侍郎李日知詩曰所願整思居者逸勿使時稱作者芳

集覽

拔河戲名也景文龍館記曰清明節以大麻絙兩頭繫千餘小繩數人執之爭挽以力弱者為輸又

晏公類要曰以麻絙巨竹分朋而挽水謂之拔河以定勝負而祈農桑也拔音跋鹿鳴詩小雅篇山暉意取和

樂且湛謂樂不可甚也

蟋蟀詩唐風篇山暉意取好

正

誤

郭山暉獨歌鹿鳴今按湛者樂之久也中宗每與近臣宴集令各效伎藝以為樂故山暉歌鹿鳴等詩以

諷之蓋取示我周行示民不佻等義

質實

李景伯邢州

之子李日知榮陽人

三月以韋巨源楊再思為左右僕射同三品宗楚客為中

書令蕭至忠為侍中韋嗣立同三品崔湜趙彥昭同平章

事

監察御史崔琬對伏彈宗楚客紀處訥潛通戎狄受其

貨賂致生邊患故事大臣被彈俯俸趨出立於朝堂待

窮至是楚客更忿怒作色自陳忠鯁為琬所誣上竟不

天子崔湜通於上官昭容故引以為相時政出多門濫官充溢人以為三無坐處謂宰相御史及貪外官也韋



嗣立上疏以為比造寺極多所費千萬人力勞弊怨嗟  
盈路佛教要在降伏身心豈在窮極侈麗萬一水旱為  
災戎狄構患雖龍象如雲將何救哉又國初食封之家  
不過二三十今乃百有餘家凡用六十萬丁為絹百二  
十萬匹今太府庸調絹歲不過百餘萬國家租賦不及私  
門之半封戶之物諸家自徵僮僕依勢陵轡州縣不若  
悉計丁輸之太府使封家於左藏受之又負外置官數  
倍正闕典吏困於祇承倉庫竭於資奉又京官有犯方  
遣刺州選人衰老方補縣令以此理人何由率化望自  
今應除三省兩臺及五品以上清望官皆先於刺史縣  
令中選用則天下理矣監察御史宋務光亦以於時食  
實封者凡一百四十餘家應出封戶者凡五十四州皆  
割上腴之田而太平安樂公主又取高貲多丁者刻剝  
過苦應充封戶者甚於征役滑州地出綾繡人多趨利  
尤受其弊人多流亡請分封戶配餘  
州並附租庸每年送納上皆不聽  
年俯僂趨出敬畏之甚也  
也俯僂趨出敬畏之甚也  
大曆十四年三省注見宋文帝元嘉三十年兩臺謂中  
臺外臺也張九韶曰官舍之重者曰臺蓋取嚴肅尊崇

之義滑州注見隋恭帝皇泰二年

以韋温鄭愔同三品

温后兄也

夏五月流鄭愔於吉州貶崔湜江州司馬

考異江上漏為字

崔湜鄭愔俱掌銓衡傾附勢要賊賄狼籍選法大  
環御史靳恒李尚隱對仗彈之下獄流貶遠州

吉州注見晉安帝元興元年安成江州注見晉明帝太  
宗二年潯陽銓衡注見晉穆帝興寧二年狼籍注見僖

宗乾符五年

楊再思卒○秋七月突騎施娑葛遣使請降

賜名守忠

八月以李嶠同三品韋安石為侍中蕭至忠為中書令○



九月以蘇瓌為僕射同三品質實僕射官名注見秦○冬十一月祀南郊

上將祀南郊國子祭酒祝欽明司業郭山惲建言古者大祭祀后裸獻以瑤爵皇后當助祭天地太常博士唐紹將欽緒以為周禮惟有助祭先王先公無助祭天地之文侍中韋巨源請依欽明議上乃以皇后為亞獻仍以宰相女為齋娘助執豆籩太赦齋娘有婚者皆還官流人放還均州刺史譙王重福獨不得歸乃上表自陳曰陛下焚柴展禮郊祀上玄蒼生並得赦除赤子偏加擯棄天下之人為臣流涕况陛下慈念豈不愍臣恚惶不報集覽后裸獻以瑤爵裸音灌禮大宗伯以肆獻裸也灌以鬱鬯謂始獻尸求神時也瑤玉也疏云王出迎牲入豚解而腥之薦於神坐以玉爵酌醴齋以獻尸右志口以玉爵酌醴齋以獻尸也齋娘齋戒潔也五行質實唐紹京北人臨之孫蔣欽緒萊州膠水人豆籩祭器名注見漢明帝永平元年均州注見晉元帝建武元年武

當譙王重福譙州名注見漢獻帝建安十五年譙邑重福中宗之子陛下注見漢光武建武二十七年焚柴展札注見漢章帝元和二年柴告

豆盧欽望卒○以唐休璟同三品  
休璟年八十  
餘進取彌銳

關中饑

關中米斗百錢運山東江淮穀輸京師牛死什八九群臣多請幸東都韋后家本杜陵不樂東遷使巫覡以不利東行說上後有言者上怒質實關中注見玄宗開元日豈有逐糧天子邪乃止  
見周顯王二十五年東都注見秦莊襄王元年三川杜陵縣名注見漢元帝初平元年巫覡注見漢隱帝乾祐

戊庚

四年 睿宗皇帝春正月上觀燈於市里考異上當作帝

通鑑綱目卷四十一 唐中宗景龍三年



上與韋后微行縱宮女數千人出遊多不歸者

**書法**

凡觀識也觀燈譏之甚也於市里又甚矣綱目書觀燈二是年玄宗開元元年

**上御梨園**

**考異** 上當作帝

命三品以上拋毬拔河韋巨源唐休璟衰老隨絙踏地不能興上及皇后妃主臨觀大笑

**集覽**

絙居登反

大繩也

**質實**

梨園注見玄宗開元二年

夏四月幸隆慶池

初武后之世長安城東民家井溢浸成大池數十頃號隆慶池相王子五王列第於其北望氣者言常鬱鬱有帝王氣北日尤盛上

**幸池**

宴侍臣以厭之

**集覽**

厭之厭益涉反穰也當也

**實**

長安城注見隋煬帝大業十三年統志云隆慶池在西安府城東

五月宴近臣

國子祭酒祝欽明自請作八風舞搖頭轉目備諸醜態欽明素以儒學著名盧藏用曰祝公五經掃地盡矣

**質實**

八風舞注見新莽始建國二年八風臺

**書法**

高帝五年自是以下皆譏也

**發明**

善不積不足以成名惡不積不足以滅身中宗自復位以來于今六載凡見於綱目所書者畧

無一善可紀故夫信聽晨牝則女禍復作尊寵三思則武氏再振貶黜譙王則愛子不保竄殺五王則功

臣受禍擢用方士則妖人得志崇獎僧道則異端恣橫公主開府則女謁盛行負外置官則爵位濫冗殺戮諫士則忠言路絕斜封拜官則賂紛紜甚至書

召近臣守歲書觀宮女拔河書觀燈於市里若猶未也書御梨園書幸隆慶池書宴近臣極矣餅中進毒

身且不保天醜其為禍出不測固其理之必也者觀綱目先後所書則中宗之禍成其自取初無足恤向

非太宗德澤在人未泯則唐之滅亡必矣夫其所以極情淫逸者不過欲取樂而已而不知禍機伏於其中

然後知古之帝王兢兢業業不邇声色者非惡逸

通鑑綱目卷四十二 唐中宗景龍四年 五



樂而好憂勤也中外奠安社稷鞏固所謂莫大之樂  
蓋自憂勤中得之豈必恣情極意而後為樂哉後之  
有天下國家者監中宗之所以  
失體帝王之所以得其庶矣乎

六月皇后韋氏弒帝於神龍殿以裴談張錫同三品張嘉

福岑義崔湜同平章事立温王重茂

字而不地據分注后與安樂公主合謀於餒餅中進毒中  
宗崩則此條韋氏下漏進毒二字帝下於神龍殿四字當

去削

初定州人即岌上言韋后宗楚客將為逆亂后殺之許  
州參軍燕欽融復上言皇后淫亂干預國政宗楚客圖  
危社稷由是后及其黨始懼散騎常侍馬秦客光祿少  
卿楊均皆幸於后恐事泄安樂公主亦欲后臨朝以已  
為皇太女乃相與合謀於餒餅中進毒中宗崩范氏曰  
易始之初六曰繫于金柅貞吉有攸往見凶羸豕孚蹢  
躅陰柔之始以剛制之則吉繼之以往則凶若羸豕之

孚無時而自止也夫女子小人放而不制必至於弒父  
與君而後已是以聖人戒之中宗一怏怏不悅而其身  
已不保雖欲制之其可得乎○韋氏秘不發喪召宰相  
入禁中徵諸府兵屯京城以裴談張錫同三品張嘉福  
岑義崔湜同平章事太平公主與上官昭容謀草遺制  
立温王重茂為太子皇后知政事相王旦參謀政事宗  
楚客曰相王於皇后嫂叔不通問聽朝之際何以為禮  
遂帥諸宰相表請罷相王政事乃發喪皇后攝政改元  
唐隆太子即位年十六宗楚客兼靜能與諸韋勸后遵  
武后故事以韋氏子弟領南北軍楚客等上書稱韋氏  
宜革唐命謀害少帝深忌相王及太集覽即岌姓名岌  
平公主密與韋温安樂公主謀去之逆及反易始  
乃初六曰係于金柅貞吉有攸往見凶羸豕孚蹢躅  
先生傳曰姤陰始生而將長之當於其微而未盛之時  
陰長則陽消小人道長也制之當於其微而未盛之時  
柅止車之物金為之堅彊之至也止之以金柅而又係  
之止之固止使不得進則陽剛貞正之道吉也使進  
往則漸盛而害於陽是見凶也羸豕孚蹢躅聖人重為  
之戒言陰雖盛微不可忽也承陰躁之物故以為况羸



弱之豕雖未能強猛然其中心在乎躑躅躑躅也  
陰敵而在下可謂羸矣然其中心在乎消陽也君子  
小人異道小人雖微弱之時未嘗無質實神龍殿注見  
害君子之心防於微而無能為也

七年太極殿定州注見周威烈王二十三年中山許州  
注見漢後主建興十年許昌社稷注見新莽天鳳元年  
誥之注見明宗長興元年詔之無狀快快注見漢光武  
建武二年禁中注見宋孝武帝大明六年温王重茂温  
縣名注見周赧王二十九年重茂中宗之子

**書法**

中宗復位以來殊無一善可紀者孽縱韋氏唐  
室再亂不保其身宜矣。五人之相也孰以之

書以於弒帝之下則以之者韋氏也然則五人之為  
逆黨也明矣重茂不書迎即位何不予韋氏之得立  
君也不予其立故其廢也斥名之

**發明**

呂氏亂漢平勃討之殄滅無遺故終西漢世無  
復女禍武氏亂唐五王討之矢賊不誅故未幾  
即有韋氏之亂然則禍根亂本可不深劬而痛絕之  
哉雖然中宗之禍宗楚客馬秦客楊均安樂公主輩

皆與聞乎故而獨歸惡韋氏何也中宗寵信豔妻淫  
而不制楚客輩雖為逆黨要皆出於韋氏是以綱目  
獨書于冊則見中宗不能防閑惟箔貽禍自己而韋  
氏陰柔浸長卒肆大逆所以推原禍始正其本也或  
曰裴談張錫張嘉福岑羲崔湜初不預謀反書於弒  
君之下何也曰此正書法之深意所以誅賊亂之黨  
附元惡此五人者儻能稍知大義必不從弒君之  
賊而受其職故不書宗楚客等所以著禍本之所自  
起而特書裴談等所以治黨賊者之罪立法  
法若此其為後世戒豈不深切著明也哉

臨淄王隆基起兵討韋氏并其黨皆伏誅隆基為平王以  
鍾紹京劉幽求參知機務李日知同三品蕭至忠等貶官

**有差考異**

為上漏自字是時中宗被弒睿宗未即位隆基  
封平王非自為而何尹氏發明謂上書討韋氏

著其撥亂之績故此怒其自為之罪然昭烈自立  
為漢中王以宗室繼絕未嘗怒其自立之罪也  
相王子臨淄王隆基罷潞州別駕在京師陰聚才勇之  
士密謀匡復初太宗選官戶及蕃口驍勇者著虎文衣



跨豹文萬騎謂之百騎武后時增為千騎諫左右羽林中  
宗謂之萬騎置使以領之隆基皆厚結其豪傑會兵部  
侍郎崔日用以楚客謀告隆基乃與太平公主及公主  
子薛崇暉苑總監鍾紹京尚衣奉御王崇暉前朝邑尉  
劉幽求折衝麻嗣宗謀先事誅之會韋播殺榜捶萬騎  
萬騎皆怨果殺葛福順陳玄禮見隆基訴之隆基諷以  
誅諸韋皆踴躍自效或謂隆基當啓相王隆基曰我曹  
為此以徇社稷事成福歸於王不成以身死不以累王  
也且萬一不從將敗大雪幽求曰天意若此時不可失於  
中逮夜天星散落如雪幽求曰天意若此時不可失於  
是福順直入羽林營斬諸韋典兵者以徇曰韋后敢殺  
先帝謀危社稷今夕當共誅之立相王以安天下敢有  
懷兩端助逆黨者罪及三族羽林士皆欣然聽命隆基  
勒兵入玄武門諸衛兵皆應之斬韋后及安樂公主武  
延秀上官昭容幽求曰衆約今夕共立相王何不早定  
隆基止之比曉內外皆定隆基乃出見相王叩頭謝不  
先王之罪相王曰社稷宗廟不墜於地汝之力也遂迎  
相王入輔少帝閉城門收捕諸韋親黨及宗楚客晉卿  
紀處訥趙履溫張嘉福馬秦客楊均葉靜能等皆斬之  
屍韋后於市諸韋極祿兒無免者封隆基為平王押左

右廂萬騎賜崇暉爵立節武氏宗屬誅竄殆盡以李日  
守中書舍人並參知機務武氏宗屬誅竄殆盡以李日  
知鍾紹京並同三品隆基二奴王毛仲李守德皆超拜  
將軍諸宰相蕭至忠等貶官有差胡氏曰殲殄諸韋懲  
五王之道不絕也誅竄諸武懲中宗之失刑也然撥亂反  
正之復為患亦不厭人心佛天理矣當是時也若能調  
陳禍亂原本起自武后黜其號罷其享以庶人禮葬絕  
之于祖宗其猶足以救中宗五王之失然而垂女禍亂  
之戒也乎雖曰禮無臣子貶尊上之文然武氏所以為  
天下大變天理所無也必睿宗有所不忍則大臣以道  
正國者召會百官告于高祖太宗之廟而行之為法受  
惡可**集覽**字或從手五王敬暉桓彥範張柬之袁恕已  
崔玄暉神龍元年**質實**州注見周赧王五十三上年上黨  
嘗舉兵討諸武  
別駕官名注見宋文帝元嘉二十八年崔日用滑州人  
鍾紹京贛州人繇十世孫朝邑縣名注見隋煬帝大業  
十三年折衝官名注見漢成帝綏和二年羽林衛名注  
見漢安帝延光四年果毅官名注見太宗貞觀十年罪







胥徒超居元宰恐失聖朝

具瞻之美出為蜀州刺史

注此民給徭役者若今衛士矣胥讀如謂謂其有才知

為什長故一胥十徒也

瞻義取大臣助君

行化人皆瞻之也

書法書尋罷之何美從諫也書尋罷之始此尋罷之

中書令是年詔大將軍鄭光賜免稅役宣宗大中

六年唐以宋齊立知尚書省五代壬寅年皆幸之也

以李谿同平章事昭宗乾寧元年

惜之也終綱目拜官書尋罷之四年

### 立平王隆基為太子

考異

太上漏

證

當加皇字於太子

平韋氏之亂睿宗即位欲立太子以宋王成器嫡長久不

決宋王辭以死不居平王上睿宗從之先儒有言善哉宋

王之讓曰時平則先嫡長世難則先有功此萬世不易之

論也曰斯言也宋王所自言因事處變一時之權也司馬

公曰立嫡以長不以功所以重先君之世也二公立言垂教

斯所謂萬世不易之大經然宋王之志泰伯之志也泰伯

不逃則王季不得立宋王不讓則明皇不得為太子明皇

舉事時其志將以自取也至於內外皆定天下歸心不得

已迎睿宗其於父兄之間有慚德焉若宋王如隱太子而

不避則開元治亂又未可知也觀其專事娛樂未嘗及時

政長祿大衾非明皇素交愛也宋王有以啓之耳然則宋

王亦無德而稱焉

上將立太子以宋王成器嫡長平王隆基有功疑不能

決成器辭曰國家安則先嫡長危則先有功苟違其宜

四海失望臣死不敢居平王極社稷之危救君親之難論

功語德無可質實宋王成器宋州名注見漢景帝三年

### 以薛稷參知機務

稷以工書事上

於藩邸故為相

集覽

南褚遂良所書故銳精臨做結體

工書薛稷外祖魏徵家多藏虞世

名注見秦王政第三年右

北平隆基睿宗第三子



道麗遂以書名天下

追削武三思等爵謚暴其尸

**書法**

嘗書黜封德彝贈謚矣未有書暴其尸者書暴其尸快之也終綱目書削謚二封德彝武三思書戮棺三漢平帝元始五年發陶共王母及丁姬冢是年玄宗天寶十二年李林甫

○以姚元之同三品韋嗣立蕭至忠為中書令趙彥昭崔

湜並同平章事○加太平公主實封萬戶

公主沈敏多權畧武后以為類已獨愛幸及誅張易之公主有力焉中宗之世韋后安樂皆畏之又與太子共誅韋氏既屢立大功益尊重上嘗與之議政宰相進退係其一言薦士驟歷清顯者不可勝數權傾人主其門市如

贈即爰燕欽融蘇安恒諫議大夫○秋七月贈韋月將宣

州刺史

**質實**

宣州注見漢明帝○以崔日用參知機務○永平十三年丹陽

追復故太子重俊位號及敬暉桓彥範崔玄暉張柬之袁恕已李多祚等官爵

入宮中宗登玄武門太子據鞍自若及其徒倒戈然後

逃竄鄉使宿衛不守其為禍也胡可忍言今聖朝禮葬謚為節愍臣竊惑之若以其誅武三思父子而嘉之則

誅姦臣而尊君父可也今欲自取之是與三思競為逆也若以其欲廢韋氏而嘉之則韋氏於時逆狀未彰苟

無中宗之命而廢之是脇父廢母也庸可乎臣恐後之亂臣賊子得引以為比開悖逆之原非所以彰善癉惡

也請改其謚多祚從重俊與兵不為無罪今宥之可也名之為雪亦所未安上然其言而執政以為制命已

行但停多祚**集覽**彰善癉惡書畢命文注癉病也疏云贈官而已

**質實**韋湊萬年人叔諧玄孫倒戈注見晉武帝泰始七年



以宋璟同三品

環與姚元之協心革中宗弊政進忠良退不肖賞罰盡  
公請託不行紀綱脩舉當時翕然以為復有貞觀永徽

之質實 紀綱注見宋主  
義符景平二年

崔湜蕭至忠韋嗣立趙彦昭崔日用薛稷罷

日用與稷爭於上前稷曰日用傾側附武三思非忠臣  
賣友邀功非義士日用曰稷附張易之宗楚客非傾側  
而何上  
兩罷之

廢崇恩廟追廢韋后安樂公主為庶人

發明 昏亂之世正邪易位如此韋革求得欲從富貴  
極矣然轉盼之間禍敗已及屠戮其身廢黜其

號斷棺暴尸猶未足以盡其罪也即爰燕欽融韋月  
將諸人各贈以官而敬暉等五王追復爵位公道初  
無終民之理回視向之炎炎者果安在哉綱目  
詳書于冊其為斯世勸戒豈不昭昭著明也哉

○八月譙王重福反伏誅

韋后之臨朝也鄭愔賤過均州與譙王重福謀舉兵誅  
韋氏未發而韋氏敗洛陽人張靈均說重福曰大王地

居嫡長當為太子相王雖有功不當立王若潛入洛陽  
發屯兵殺留守天下指麾可定重福從之時愔左迂過  
洛陽與靈均結聚徒以侯重福重福與靈均詐乘驛

入東都縣官馳白留守洛州長史崔日知帥眾討之重  
福窘迫赴漕渠溺死愔與靈均皆伏誅初愔附來俊臣  
得進俊臣誅附張易之易之誅附韋氏韋氏敗又附重  
福竟坐 質實 洛陽縣名注見周顯王三年左遷注見漢

族誅 宣帝元康二年洛州注見秦莊襄王元年

書法 於是重福溺死書  
伏誅何正其罪也

詔以萬騎補外官更置飛騎

萬騎恃功暴橫長安  
中苦之故有是命 質實 長安縣名注見  
漢惠帝五年



罷斜封官

用姚元之宋璟及御史大夫畢構之言也所罷凡數千人

發明

是時姚宋諸賢進用政事清明故其談施如此書之冊美可知也

冬十月以薛訥為幽州經畧節度大使

質實

薛訥絳州龍門人仁貴之

子幽州注見高祖武德四年

節度之名自此始

書法

節度之置始此故謹志之

十一月以姚元之為中書令○葬定陵

質實

一統志云定陵在西安府

富平縣西北一百十五里龍泉山下又河南府偃師縣東亦有陵在焉

朝議以韋后有罪不應祔葬乃追謚故英王妃趙氏為和思皇后招魂祔葬范氏曰人之死也魂氣歸于天形

魄歸于地葬所以藏體魄也若魂氣則無不之也苟無體魄則立廟以祀之而已魂氣不可得而葬也而必為

之墓不亦虛乎

許公蘇瓌卒

制起復瓌子題為工部侍郎題固辭上使李日知諭旨日知還奏曰臣見其哀毀不敢發言上乃聽其終制

質實

許州名注見漢後主建興十年許昌蘇瓌武功人

十二月以西城隆昌二公主為女官

上以二女為女官以資天皇天后之福欲為造觀諫議大夫甯原悌上疏曰釋道二家皆以清淨為本不當廣

營寺觀勞人費財又先朝所親狎諸僧宜加屏斥補闕幸替否上疏曰自古釋道破國亡家者口說不如身逢

耳聞不如目見太宗陛下之祖也撥亂反正開基立極官不虛授財無枉費不多造寺觀而有福不多度僧尼

而無災天地垂祐風雨時若粟帛充溢蠻夷率服享國久長名高萬古陛下何不取而法之中宗陛下之兄也

通鑑綱目卷四十二 唐紀六十四 中宗景龍四年



棄祖宗之業，徇女子之意，無能而祿者數千人，無功而封者百餘家。造寺不止，度人無窮，奪百姓口中之食，以養貪殘，剥萬人體上之衣，以塗土木，人怨神怒，衆叛親離，享國不永，禍及其身。陛下何不懲而改之？自頃水旱霜蝗，未聞賑恤，而為二女造觀，用錢百餘萬緡，陛下豈可不計當今之蓄積，有幾中外之經費，有幾而輕用百餘萬緡，以供無用之役乎？陛下族韋氏之家，而不去韋氏之惡，忍棄太宗之法，而不忍棄中宗之政乎？且陛下當韋氏用事之時，日夕憂危，切陸於群凶，今乃不改其所為，臣恐復有切陸於陛下者矣。上雖不能從而嘉其切直，二公主後改號金僊，玉真公主，范氏曰：孔子曰：生事之以禮，死葬之以禮，祭之以禮，可也。孝矣，未聞以女子為女官，而可以資福於其親者也。天子之女，天下之所取則也，不從先王之禮，而從方士之言，廢人倫，蔑典禮，襲非法之服，奉不享之祠，以是為孝，非所以率天下也。若其可為先王為之矣，不待後世始能行也。

**覽**

女官，官或作冠，謂女為道家者流。

**質實**

寧原悌，欽江人。

**書法**

譏也，以是為孝，末矣。公主為女官，終綱目一書而已。

### 加李朝隱太中大夫

宦者閻興貴，以事屬長安令李朝隱。朝隱繫之獄，上聞之，召見朝隱，勞之，因御承天門，集百官，宣示朝隱所為，且下制，稱宦官遇寬柔之代，必弄威權。朕覽前載，每所歎息，能副朕意，實在斯人，可加太中大夫。賜中上考。

### 以宋璟為吏部尚書，姚元之為兵部尚書

舊制三品以上，官冊授五品，以上制授六品，以下敕授。皆委尚書省，奏擬文屬吏部，武屬兵部。中宗之末，選舉混淆，至是以宋璟為吏部尚書，李元盧從愿為侍郎，皆不畏疆禦，請謁路絕，人服其公。以姚元之為兵部尚書，陸象先、盧懷慎為集覽。桓帝延熹九年，漢

**集覽**

不畏疆禦，注見漢

**質實**

盧從愿，范陽人。

**書法**

兵部不書書元，之何善其職也。

### 貶祝欽明、郭山惲為諸州長史

象先，蘇州人。

和六世孫陸



侍御史倪若水彈奏欽明山澤亂常改作希旨病君於  
是左授胡氏曰王者之制行偽而堅言偽而辯學非而  
博順非而澤以疑衆殺不以聽馬祝郭二人縱不誅死  
尚當盡削官秩投之四裔今雖貶黜而有民有社夫豈  
足以示懲哉○時侍御史楊孚彈糾不避權貴權貴踐  
之上曰鷹搏狡兔須急救之不爾必反為所噬御史繩  
姦慝亦然苟非人主保衛  
**集覽**以疑衆殺此上五句並  
之則亦為姦慝所噬矣  
謂虛華捷給無誠者也  
為害大而辭不可明有民有社  
**質實**倪若水恒州藁城人四裔  
注見新莽始建國元年

### 姚州蠻反

姚州群蠻先附吐蕃攝監察御史李知古請發兵擊之  
既降築城置州縣重稅之因誅其豪傑掠子女為奴婢  
群蠻怨怒引吐蕃攻知古殺之由是姚路絕  
**集覽**姚州二州姚本真池國唐  
越雋郡唐置  
**質實**吐蕃西羌屬名注見太宗貞觀八年  
雋州雋音隨  
姚雋二州名姚注見嗣聖十四年雋

亥辛

### 睿宗皇帝景雲三年

注見漢武帝元  
鼎六年越雋

### 書法

綱目非元年不書號此二年也其書號何改元  
於去年也去年分注嘗細書睿宗皇帝景雲元  
年矣此其復大書睿宗皇帝何正始也中宗統重茂  
廢宜立者相王旦也大書睿宗皇帝所以正其始也

### 春正月突厥默啜遣使請和

### 質實

突厥北狄種名注見  
梁武帝大同十一年○

以郭元振張說同平章事○二月命太子監國以宋王成

器為同州刺史幽王守禮為幽州刺史太平公主蒲州安

置

初太平公主以太子年少意頗易之既而憚其英武數  
為流言云太子非長不可立每覘伺其所為纖悉必聞  
於上與益州長史竇懷貞結黨欲危太子邀韋安石至  
其第安石固辭不往上嘗密召安石謂曰聞朝廷皆傾



心東宮宜察之對曰陛下安得亡國之言此乃太平之  
謀耳太子有功於社稷仁明孝友天下所知願陛下無  
惑上瞿然曰朕知之矣卿勿言公主又嘗乘輦邀宰相  
於光範門內諷以易置東宮衆皆失色宋璟抗言曰東  
宮有大功於天下真宗廟社稷之主奈何忽有此議與  
姚元之密言於上曰宋王陛下之元子幽王高宗之長  
孫公主交構其間將使東宮不安請出宋王幽王皆為  
刺史罷岐薛二王左右羽林太平公主武攸暨皆於東  
都安置上謂侍臣曰惟一妹豈可遠置東都諸王惟卿  
頃之謂朕曰術者言五日中當有急兵入宮卿所處  
為朕備之張說曰此必姦人欲離間東宮願陛下早使  
太子監國則流言自息矣元之曰張說所言社稷之至  
計也上悅以宋王成器為同州刺史幽王守禮為幽州  
刺史太平公主蒲州安置命太子監國六品以下官徒  
以下罪並**集覽**流言書蔡氏傳曰流言無根之言如水  
聽處分**質實**益州注見晉武帝泰始八年東宮注見宋文帝  
元嘉二十七年幽州注見漢桓帝延熹五年文帝  
薛二州名岐注見周顯王八年薛未詳沿革同州注見  
玄宗開元十一年陛下注見漢光武建武二十七年蒲

州注見周赧王十二年蒲坂

**書法**

於是出二王刺州公主安置命太子監國此其  
等則其與於交構明矣

**復斜封官**

殿中侍御史崔涖言於上曰斜封官皆先帝所除姚元  
之等建議奪之彰先帝之過為陛下招怨衆口沸騰恐  
生非常之變太平公主亦以為言上然之制斜封官  
並量材叙用率府參軍柳澤上疏曰斜封官皆因僕妾  
汲引豈出先帝之意陛下稱天下主誑明一且收叙何  
政令之不一也議者皆稱太平公天下誑明一且收叙何  
大為禍不細上弗聽胡氏曰彰先帝之惡為陛下招怨  
姦人之言類如此使遇明君必曰置先帝於過舉豈所  
以為孝沽美譽於群小豈政所以為此君爾以桓靈待我則  
嘉言無自入矣然姚宋秉政而此說得行何哉睿宗以  
六居五使太平陰疑於陽是以至此姚宋若力爭之勢  
將有激矣然則是乎曰當其時事有大於此者姑忍焉



可**集覽**率府率所類反或音朔律反唐置左右衛率府

之左右以爲捍守汲引薦導也漢書注顏師古曰言如

井中汲水引之而升也以六居五六陰數九陽數也二

臣位五君位也以六居五言以柔而居君位也易坤卦

六五黃裳元吉伊川傳曰坤雖臣道五實君位故爲之

戒黃裳既元吉則居尊爲天下大凶可知也五尊位也

在他卦六居五或爲柔順或爲文明或爲暗弱在坤則

爲居尊位陰者臣道也婦道也臣居尊位男蓋是也猶

可言也婦居尊位女媧氏武氏是也非非常之變不可言

也使太平陰疑於陽謂致使太平公主不守分也易坤

卦陰疑於陽必戰伊川傳曰陽大陰小陰必從陽陰既

盛極與陽偕矣是疑於陽也不相從則必戰陰與陽戰

則陰陽皆傷也朱氏本義曰疑謂均敵而無小大之差

也質實柳澤解人

**發明**睿宗唐之賢主側觀其恬淡寡慾黃屋非心即

之有也然未幾太平撓政弊倖復生於是斜封首復

而紀綱漸紊蓋帝之清簡有餘而明斷不足是以其

弊至於此爾嗚呼以睿宗之清淨簡寡而猶不免此

况汨沒於嗜慾者乎綱目於前書罷斜封官於後書

復斜封官則當時治亂得失輔相賢否皆可知矣

貶姚元之爲申州刺史宋璟爲楚州刺史寢二王刺史之

命質實申州注見梁武帝太清二年義陽楚

太平公主聞姚元之宋璟之謀大怒以讓

太子太子懼奏二人離間姑兄故有是命

劉幽求罷○以左右萬騎羽林爲北門四軍○以韋安石

爲中書令李日知爲侍中

安石日知爲政紀綱紊亂復爲景龍之世矣

夏四月制政事皆取太子處分

上召二品以上謂曰朕素懷淡泊不以萬乘爲貴今欲

傳位太子何如群臣莫對殿中侍御史和逢堯太平公



主之黨也言於上曰陛下春秋未高方為四海所依仰  
豈得遽爾上乃止制凡政事皆取太子處分軍旅死刑  
及五品除授質實萬乘注見秦始皇二十六年和逢堯  
議定以聞質實岐州岐山人軍旅注見梁武帝中大  
通二年

### 五月召太平公主還京師

太子請之也

### 復吳陵順陵質實

吳陵順陵注見中宗景龍元年

太平公主為武攸暨請之也

### 以薛謙光為岐州刺史

僧慧範時太平公主勢逼奪民田御史大夫薛謙光彈之公主訴於上出之

質實岐州注見周顯王八年

### 六月置十道按察使

時遣使按察十道分山南為東西兩道分隴右為河西道又分天下置二十四都督各糾察所部刺史以下善惡太子右庶子李景伯舍人盧補等上言都督專殺生之柄權任太重或用非其人為害不細今御史秩卑望重以時巡察姦究自禁其後竟罷都督但置按察使而已

書法按察使之名始此

### 秋七月追復上官氏為昭容

初昭容從母之子王昱說昭容母鄭氏曰武氏天之所廢婕妤附之滅族之道也鄭氏以戒昭容昭容弗聽及重俊誅三思索昭容昭容始懼思昱言自是心附帝室故中宗崩草遺制以相王輔政及隆基入宮又帥宮人迎之劉幽求為之言隆基不許遂斬之至是復追謚曰惠文

書法昭容爾書追復何予徒義也昭容自重俊叩閤之後心附帝室臨淄殺之為不怨矣於是特書

通鑑綱目卷四十三 唐紀六十五 中宗景龍元年



所以勸  
徒義也

以韋安石為左僕射同三品

太平公主以安石不附已  
故崇以虛名實去其權也

九月以竇懷貞為侍中

懷貞每退朝必詣太平公主第時脩金僊王  
真二觀群臣多諫懷貞獨勸成之身自督役

**質實**

金僊  
王真

二觀未  
詳處所

冬十月韋安石郭元振竇懷貞李日知張說罷以劉幽求

魏知古崔湜並同三品陸象先同平章事

上御承天門引韋安石等宣制責以政教多闕水旱為  
災輔佐非才並罷政事以劉幽求等同三品象先同平  
章事皆太平公主之志也象先清慎寡慾言論高遠為  
時人所重湜私侍太平公主公主欲引為相湜請與象

先同升上不欲用湜公

**質實**

魏知古  
深州人

遣御史中丞和逢堯使突厥

逢堯說默啜曰處密堅昆聞可汗結昏於唐皆當歸附  
何不襲唐冠帶使之聞之默啜許諾明日幘頭紫衫再

拜稱

**集覽**

處密注見高宗永徽二年堅昆注見漢宣帝  
黃龍元年幘頭幘防玉反字亦作幘本幘中

故用全幅帛向後襍髮謂之幘頭二儀實錄云古以色  
羅三尺裹頭號頭巾至周武帝依古三尺裁為幘頭唐

馬脚交解為之夢溪筆談曰唐惟人主用  
硬脚一云梁高祖始布漆于紗施鐵為脚

**質實**

突厥比  
狄種名

注見梁武帝  
大同十一年

十一月令百姓二十五入軍五十五免○召司馬承禎至

京師尋許還山

上召天台道士司馬承禎問以陰陽數術對曰道者損  
之又損以至於無為安肯勞心以學數術乎上曰理身



無為則高矣如理國何對曰國猶身也順物自然而心  
 無所私則天下理矣上歎曰廣成之言無以過也承禎  
 固請還山上許之尚書左丞盧藏用指終南山謂承禎  
 曰此中大大有佳處何必天台承禎曰以愚觀之此乃仕  
 官之疾徑耳藏用嘗隱終南山則**集覽**廣成子居崆峒之  
 上黃帝往訪之問至道焉陸德明曰廣成子或云即老  
 子別號葛稚川曰老子無世不出數易姓名初出於上  
 三皇時號玄中法師出於下三皇時號金闕帝君出黃  
 帝時號力默子又號廣成子出周文王時為守藏吏號  
 支邑先生出周武王時為柱下史號郭叔子出於漢初  
 號黃石公出於漢文帝時號河上公**終南山**地理志扶  
 風郡有武功縣縣東有大山古文以為終南山括地志云  
 終南一名中南一名太乙一名橋山一名周南一名地  
 勝四皓以漢高慢士共入商洛山漢高徵之不來遂隱  
 此山福地記云終南東接驪山太華西連大白隴山北  
 去長安八十里南入楚塞連蜀東西數百里仕宦之疾  
 徑新史作捷徑杜詩捷徑應未忍注杜脩可曰張衡應  
 曰捷徑邪至我不忍以投步干進容我不忍歛扇又  
 杜詩薄劣慙真隱注師尹曰隱有真有假如杜淹之隱

嵩山徼求利祿此所謂**質實**一統志云天台縣西一名在十  
 里道書是山上應台星超然秀出有八重視之如一  
 高而清前有石橋廣不盈尺長數十丈下臨絕澗惟忘  
 其身然後能濟濟者梯巖壁援藤葛始得平路見天台  
 山蔚然奇秀雙列於青霄上有瓊樓玉闕天宮碧林醴  
 泉僊物畢具也司馬承禎隱居桐栢山構層軒於壇上  
 號白雲子唐則天時屢召不起睿宗延問治身治國之  
 術答以爲道日損與物自然之言睿宗嘉歎欲加寵位  
 固辭而歸先期告終忽若蟬蛻弟子歛空衣葬之廣成  
 子軒轅時人隱居崆峒山石室中黃帝造馬問以至道  
 之要答曰至道之精窈窕冥冥至道之極昏昏默默無  
 視無聽抱神以靜形將自正必靜必清母勞爾形母搖  
 爾精母俾爾思慮營營乃可長生慎內閉外多智我敗  
 我守其一而處其和故千二百年未嘗衰老終南山  
 注見晉元帝大興四年

**書法**

史崇恩書道士承禎道士也故不書然則軒轅集亦有道  
 者非黃冠師比也故不書然則軒轅集亦有道



者何以書道七  
為迎之書也

子王 太極元年

玄宗皇帝 先天元年 春正月祀南郊

初用諫議大夫賈  
合於園丘  
始於祖配

**書法**

合祭天地 合閭曷反 賈魯議震  
夏之時禘於郊則地祇群望皆

自此以後天

**書法**

地又合祭

賈懷貞岑義同三品考異

賈上漏

以蕭至忠為刑部尚

書

蕭至忠自託於太平公主引為尚書華州長史蔣  
欽緒其妹夫也謂之曰如子之才何憂不達勿為非分  
妄求至忠不應欽緒退而歎曰九代門族一舉成之可  
哀也哉至忠素雅望嘗自公主第門出遇宋璟璟曰  
非所望於蕭君也至忠笑曰質實  
善乎宋生之言遽策馬而去  
質實  
華州注見玄宗開元  
一年尚書官名注

見晉惠帝  
永興二年

**書法**

唐世之禍恒在女子武韋可鑒矣睿宗自景雲  
二年以來綱目所書二十二事為公主而設者

十二馬書蒲州安置之後書復斜封官公主之言也  
賤姚宋公主之怒也制政事皆取太子處分則帝欲  
傳位公主沮之也書召還京師之後書復吳陵順陵  
公主之請也出薛謙光公主之訴也奪安石權公主  
之所憾也再遷實懷貞公主之黨也罷安石等相幽  
求崔湜象先皆公主之志也蕭至忠為尚書公主之  
所引也朝廷大政惟公主是從使非早授大  
位其不為中宗者幾希矣故綱目特詳之

夏五月祭北郊○六月以岑義為侍中○幽州大都督孫

佺襲奚敗沒

薛訥鎮幽州二十餘年吏民安之未嘗舉兵出塞虜亦  
不敢犯與燕州刺史李進有隙璉許之於劉幽求幽求  
以左羽林將軍孫佺代之孫佺至州帥兵一萬騎八千  
以襲奚契丹將軍烏可利諫曰道險天熱懸軍遠襲非

通鑑綱目卷四十一



計也。佗曰：薛訥在邊積年，竟不能為國家復營州。今乘其無備，往必有功。遂行，遇奚騎八千，戰于冷陁。大敗，為虜所擒，獻於突厥。默啜殺之。

**集覽**

東胡宇文之別種，本號庫莫奚。至

隋始去庫莫而但曰奚。後為契丹所併，以奚王牙帳所居建城號中京。中京東過小河，唱叫山由古北口至中京，皆奚境也。契丹志云：奚地居上東，燕三京之中，西臨馬孟山六十里，其山南北千里，東西八百里，連亘燕京西山。契丹注見晉安帝義熙二年。冷陁契丹中山在營州北。

**正誤**

孫佺帥兵一萬騎八千以襲奚契丹

將軍烏可利，諱今按當連下文契丹為句。唐謂奚與契丹為兩蕃，肅宗實錄安祿山云：大夫不欲滅奚契丹兩

蕃邪？又玄宗時信安王禕擊奚契丹，烏承玘曰：二虜劇賊也。通鑑前後書奚契丹甚多，或以為一虜者，非烏可

利乃唐官，非契丹將軍也。

**質實**

幽州注見高祖武德四年。營州注見晉武帝太康二年。昌黎燕州注見高

祖武德九年。

秋七月彗星出西方入太微

**質實**

彗星注見周顯王八年。太微注見漢景帝後三

年○以竇懷貞為左僕射平章軍國重事

有相者謂同三品竇懷貞曰：公有刑厄，懷貞懼請解官為安國寺奴，敕聽之。尋復以為左僕射。

**質實**

一統

志云：安國寺在河南府治南。

八月帝傳位於太子，太子即位，尊帝為太上皇。

**考證**

當作皇太

子隆基即位

太平公主使術者言於上曰：彗所以除舊布新，又帝座及心前星皆有變，皇太子當為天子。上曰：傳德避災，吾志決矣。公主及其黨皆以為不可。太子聞之，固辭。上曰：汝為孝子，何必待柩前？然後即位。邪太子流涕而出，制傳位於太子。太子又上表辭，太平公主勸上自總大政，上乃謂太子曰：汝以天下事重，欲朕兼理之。邪昔舜禪禹，猶親巡狩，朕雖傳位，豈忘家國？其軍國大事當兼省之。玄宗即位，尊睿宗為太上皇。上皇自稱曰：朕命曰誥。五日一受朝於太極殿。皇帝自稱曰：予命曰制。敕曰：受朝於武德殿。三品以上除授及大刑政，乃奏上皇決之。



大赦改元胡氏曰睿宗之於中宗未有以甚相遠也集

使無玄宗繼其後而在位日久亦同歸乎亂而已矣覽

帝座及心前星帝座注見隋煬帝大  
業十三年心注見漢成帝綏和二年質實  
業六年太極殿注見太宗貞觀  
二十七年武德殿未詳處所

**書法** 彗星之變高湛嘗書傳位太子矣梁乙酉年於  
是復見綱目上書傳位下書即位正也太宗肅

宗皆不得與於此後此其惟憲宗乎然星變一也高  
湛傳位而齊以亡睿宗傳位而唐以安所謂吉凶由

人矣終綱目書傳國傳  
位七詳周赧王十六年

**發明** 唐朝傳位於子者四君然而書法則不同在太  
宗則直書太子即位於肅宗則書太子即位於

靈武惟睿宗順宗書帝傳位於太子蓋此二君制命  
在已出於由衷而彼二君則幾於篡矣此綱目所以

不得各  
書其實也

立妃王氏為皇后○以劉幽求為僕射同三品魏知古為

侍中崔湜為中書令質實  
僕射官名注見秦○流劉幽求

於封州

初河內人王琚預於王同皎之謀上之為太子也琚至  
長安見上至廷中故徐行官者曰殿下在簾內琚曰何

謂殿下今獨有太平公主耳上遽召見與語琚曰韋庶  
人弒逆人心不服誅之易耳太平宰相凶猾無比大臣

多為之用琚竊憂之上引與同榻坐泣曰主上同氣唯  
有太平言之恐傷主上之意不言為患日深為之柰何

琚曰天子之孝當以安宗廟社稷為事豈顧小節上悅  
及即位以為中書侍郎是時公主多太平公公主之黨劉

幽求與羽林將軍張暉謀使言於上曰實懷貞崔湜岑  
義皆因公主得進日夜為謀不輕若不早圖一旦事起

太上皇何以得安請速誅之上以為然暉洩其謀上大  
懼遽列上其狀有司奏流幽求於封州張暉於豐州初

崔湜坐與譙王重福通書當死張說與幽求營護得免  
既而湜附太平公主謀罷說政事及幽求得罪湜諷廣  
州都督周利貞使殺之桂州都督王質實  
皎知其謀留幽求不遣由是得免

通鑑綱目卷四十二 唐睿宗太極元年 七



十三年野王封州注見宋文帝仁壽元年成州豐州注  
見漢宣帝甘露二年五原基桂州注見秦始皇三十三年  
桂林王同皎相州人寬之曾孫

九月朔日食質實日食注見新○冬十月沙陁金山遣使

入貢

沙陁處月之別集覽沙陁金山處月之別種西突厥之

種也姓朱邪氏苗裔本號朱邪世居金山娑之陽

以朱邪為姓東其地有大磧名曰沙陁後因以沙陁為號

十二月刑部尚書李日知致仕

後有朱邪赤心懿宗時賜姓李名國昌克用其子也邪移遮反處月西域國本西突厥之別部

且

玄宗明皇帝開元元年春正月詔衛士二十五入軍五十而免○以蕭至忠為中書令○二月御樓觀燈大酺

開門然燈大酺合樂上皇與上御門樓臨觀以夜繼晝  
凡月餘左拾遺嚴挺之上疏諫以為酺者因人所利合  
醜為歡也教以挺之忠直宣示百官厚賞之晉陵尉楊  
相如不謹慎擇也夫夫人主莫不好忠正而惡佞邪然忠正  
者常踈佞邪者常親以至於覆國危身而不悟何哉忠  
疎者多忤意佞邪者多順旨積忤生憎積順生愛此親  
邪則太宗之分也誠能愛其忤以收忠賢惡其順以去佞  
必行小過不察則無煩苛大罪不漏則止姦逆集覽  
使簡而難犯寬而能制則善矣上覽而善之

服虔曰酺音蒲顏師古曰服音是酺布也王德布大飲  
酒也文頴曰漢律三人已上無故群飲罰金四兩故賜  
酺得會聚飲食也唐無酺禁令亦賜酺者蓋聚作技樂  
高年賜酒麪合樂合如字又音閣合醪合音閣醪極虐



反會錢飲酒也百戲漢書天子饗四夷之客作巴俞都  
盧海中碣極漫衍魚龍角抵之戲以觀視之蓋如此雜  
變不一陳之

**發明**

玄宗初政首書御樓觀燈殆與中宗無異何哉  
是時睿宗在上猶總大權而太平熒惑其間玄

宗未免曲意奉承是以嬉戲為樂  
有此舉爾直筆書之亦可歎也

### 以高麗大祚榮為勃海郡王

初高麗既亡其別種大祚榮徙居營州阻險自固武后  
使將軍李楷固討之大敗祚榮遂東據東牟山高麗  
鞞之人稍稍歸之地方二千里戶十餘萬勝兵數萬

**覽**

大祚榮祚榮姓大氏高麗東胡種名注見漢武  
本粟鞋鞞附高麗者

**未詳**

處所蘇鞞北狄國名注見梁武帝大同十一年勃海郡注見晉  
成帝咸康六年挹婁

六年挹婁

### 夏五月罷脩大明宮

脩大明宮未畢敕  
以農務方勤罷之

**質實**

大明宮注見太  
宗貞觀八年

**書法**

太宗再罷脩洛陽宮不書罷此其書罷脩何美  
之也於是脩宮未畢上以農務方勤特敕罷之

可謂有愛民之誠矣故特書而美之終綱目宮室書  
罷者三漢明帝永平三年是年敬宗室昂元年皆美

辭也

### 六月以郭元振同三品○秋七月太平公主謀逆賜死蕭

### 至忠岑羲竇懷貞崔湜伏誅

太平公主依上皇之勢擅權用事宰相七人五出其門  
文武之臣大半附之與竇懷貞岑羲蕭至忠崔湜薛稷

僧慧範等謀廢立又與宮人元氏謀於赤箭粉中寘毒  
以進中書侍郎王珣言於上曰事迫矣不可不速發左

丞張說自東都遣人遺上佩刀荆州長史崔日用入奏  
事言於上曰太平謀逆有日陛下往在東宮猶為臣子



若欲討之須用謀力今但下一制書誰敢不從萬一  
先得志悔之何及上曰誠如卿言直恐驚動上皇日用  
日天子之孝在於安四海若姦人得志則社稷為墟安  
在其為孝乎請先定北軍後收逆黨則不驚上皇矣上  
以為然乃與岐王範薛王業郭元振王毛仲姜皎李令  
問王守一及內給事高力士等定計以兵三百餘人入  
慶化門召至忠義斬之懷貞自縊死戮其尸上皇聞變  
登承天門樓郭元振奏皇帝前奉誥誅竇懷貞等無他  
也上皇乃下誥自今軍國政刑一取皇帝處分徙居百  
福殿太平公主賜死諸子及黨與死者數十人崔湜與  
右丞盧藏用俱坐私侍公主流嶺南尋以湜與逆謀追  
賜死初太平公主與湜等謀廢立陸象先獨以為不可  
公主曰廢長立少已為不順且又失德若之何不去象  
先曰既以功立當以罪廢今實無罪象先終不敢從上  
既誅懷貞等召象先謂曰歲寒知松栢信哉時窮治公  
主枝黨象先密為申理所全甚多然未嘗自言時無知  
者

**集覽**

僧慧範僧浮屠道人慧範其名赤箭粉赤箭草  
毒惡氣消癰腫久服益氣力長陰肥健陶隱居云赤箭  
草亦是芝類莖赤如箭幹棄其端根如人足又云如芋

有十二子為衛有風不動無風自搖如此亦非俗所見  
圖經曰赤箭實似苦棟子核作五六稜中有肉如麩前  
奉誥上皇之命曰誥謂皇帝先曾承此誥命湜與  
湜示力反與讀與預同枝黨注見中宗嗣聖七年

**誤**湜與逆謀今按此處有兩湜與字上文  
帝建安十三年南郡社稷注見新莽天鳳元年王毛仲  
高麗人高力士高州人馮盎曾孫中人高延福養為子  
故冒其姓爰  
較上却人

**書法**上書公主謀逆賜死下書四人伏誅則四人為  
鄂邑唐高陽太平惟安綱目書公主反逆誅死者四漢  
樂以韋后黨書其黨

**以高力士為右監門將軍知內侍省事考證**

謹按凡例曰宦者除拜當書者皆加宦者字註云以著刑  
人與政之屬夫刑人用權莫盛於唐尊為上皇以兵劫之  
貴為天子以父呼之甚至弑君弑后豈特與政而已哉追  
原其自始於高力士盛於李輔國而極於劉季述皆由諸



帝狎近便嬖授以國命而不可奪此非用權者之過用之  
以權者之過也今故推本正例自高力士至韓全誨十有  
餘人拜官之始皆加官者於名氏之上若張承業死則網  
目特筆書曰唐特進河東監軍使張承業卒是時唐已亡  
猶冠以唐號  
表其忠賢云

初太宗定制內侍省不置三品官黃衣廩食守門傳命  
而已中宗時七品以上至千餘人然衣緋者尚寡上在  
藩邸功賞之傾心奉之及為太子奏為內給事至是以誅  
蕭岑功賞之是後宦官增至三千人除三品將軍者寢  
多宦官之盛自此始范氏曰國家之敗未有不由子孫  
廢祖宗之業也創業之君得之難故其防患深慮之遠  
故其立法密後世子孫雖有聰明才智高出群臣之表  
然未若祖宗更事之多也夫中人不可假以威權蓋近  
而易以為姦也明皇不戒履霜堅冰而輕變太宗之制  
崇寵宦官者增多其負自是以後寢干國政未流之禍蓋  
基於此書曰監于先王成憲其**質實**蕭岑謂蕭至忠岑  
永無愆為人後嗣可不念之哉

初六  
交辭

**書法**

呂強不書宦者賢之也漢靈帝光和二年此其  
不書何唐世宦者例不書也例不書也者不勝  
書也然則曷為書為將軍誡也唐初內侍省不置三  
品官中宗時亦鮮有衣緋者力士為將軍而宦官自  
此盛矣書為將軍  
著唐世之禍始也

**發明**

漢實憲之誅鄭象實預其謀和帝寵以封爵遂  
為東都不救之禍唐太平公主之誅高力士亦  
出入其間玄宗昇以重任迄為唐室膏肓之疾其端  
甚微其禍其大綱目詳而書之所以著唐人禍亂之  
本蓋自此始有天下  
國家者可不鑒哉

以張說為中書令。陸象先罷。八月以劉幽求為左僕

射平章軍國大事。九月以李暢為虔州刺史

初中宗之崩也李嶠密表韋后請出相王諸子於外上  
即位於禁中得其表或請誅之張說曰嶠雖不識逆順  
然為當時之謀則忠矣上然之以嶠  
子暢為虔州刺史令嶠隨暢之官  
**質實**李暢贊皇人  
虔州注見梁



簡文帝太寶  
元年南康

罷諸道按察使。冬十月引見京畿縣令

引見京畿縣令戒  
**質實**  
京畿注見太宗貞觀五年

講武於驪山

上幸新豐講武於驪山之下徵兵二十萬以軍容不整  
坐兵部尚書郭元振於纛下將斬之劉洙求張說諫曰  
元振有大功於社稷不可殺乃流新州而斬給事中知  
禮儀事唐紹上始欲立威亦無殺紹之意將軍李邕遽  
宣敕斬之上尋罷邕官廢棄終身時二大臣得罪諸軍  
震懾失次惟薛訥解琬二軍不動上遣輕騎召之皆不  
得入其陳上**集覽**  
蘇縣音道又音毒軍中大皂旗名二儀  
實錄云毒皂繒為之似蚩尤之首

**質實**  
新豐縣名注見漢成帝鴻加元年驪山注見秦始皇  
皇三十七年郭元振魏州人新州注見梁武帝大

年同七

**書法**

書講武何譏也何譏贖武且濞刑帝兩失之矣  
終綱目書講武三詳漢靈帝中平五年書大閱

二詳晉成帝咸康六年  
皆譏也舍是無書者矣

以姚元之同三品

上欲以姚元之為相張說疾之使御史大夫趙彥昭彈  
之上不納又使殿中監姜皎言於上曰陛下常欲擇河  
東總管而難其人也臣今得之矣問為誰皎曰元之文武  
全才真其人上也曰此張說之意汝何得面欺皎叩頭  
首服即召元之詣行在拜以為相元之吏事明敏三為  
宰相皆兼兵部尚書綠邊屯戍斥堠士馬諸械無不悉  
記上勵精為治每事訪之應答如響同僚唯諾而已元  
之請仰權倖愛爵賞納諫諍却貢獻不與群臣褻狎上  
皆納之元之嘗奏請序進即吏上仰視殿屋再三言之  
終不應元之懼趨出罷朝高力士諫曰陛下新總萬幾  
宰臣奏事當面加可否柰何一不省察上曰朕任元之  
以庶政大事當奏聞共議之即使平秩乃以煩朕邪聞  
者皆腹上識人君之體張九齡以元之有重望為上所  
信任奏記勸其遠誦躁進純厚畧曰任人當才為政大



體與之共理無出此途向之用人非無知人之鑒其所

以失溺在緣情之幸今君侯登用未幾而淺中弱植之

徒已延頸企踵而至誦親戚以求奢媚實容以取容豈

不有才所失在於無恥元之納其言新興王晉坐太平

公主逆黨伏誅僚吏皆奔散惟司功李擢步從不失在

官之禮仍哭其尸元之曰栾布之儔也擢為尚書郎

**集覽** 失溺在緣情之幸失過也溺乃力反惑也言幸人

植左傳襄三十年其君弱植注其君之忠弱於樹立延

頸企踵注見高祖武德四年李擢姓名擢吁為反栾布

之儔漢高時栾布為梁王彭越大夫越反梟首洛陽詔

收視越者輒捕之時布使於齊還奏事頭下祠而哭之

漢高乃拜 **正誤** 其所失溺在緣情之幸今 **質實** 行在

為都尉 **按** 當以其所以失四字為句 **質實** 注見

晉惠帝永興元年斥墩注見漢武帝元封元年張九齡

曲江人新興注見梁武帝大同七年新州樂布梁人彭

越為家人時嘗與布遊及越為梁王請布為大夫越被

誅布祠而哭之漢高帝欲烹布布請就烹帝壯其義拜

功封都尉後以

**發明** 相人君之德莫大於明明則其臣不能欺玄宗欲

納亦可已矣又使姜皎曲為之說非明皇灼見其姦

寧不墮其計中失如是則群臣何所容其欺乎書以

十一月群臣請加尊號

**書法** 尊號前乎未有也自高宗武后始玄宗始清帝

室治象一新而臣下猶踵前弊綱目書群臣請

命書侍郎王琚行邊

中書侍郎王琚為上所親厚群臣莫及或言於上曰琚

權譎縱橫之才可與之定禍亂難與之守承平上由是

浸疎之使按 **集覽** 縱橫謂至北邊有所按察也行音下

反孟



十二月改官名

僕射為丞相中書為紫微省門下為黃門省侍中為監  
雍州為京兆府洛州為河南府長史為尹司馬為少尹

**管實** 雍州注見秦莊襄王元年三川洛

以姚崇為紫微令張說為相州刺史

元之避開元尊號復名崇崇既為相張說懼乃潛詣岐  
王申款他日崇對於便殿行微蹇上問有足疾乎對曰

臣有腹心之疾非足疾也上問其故對曰岐王陛下愛  
弟張說為輔臣而密乘車入王家恐為所誤故憂之遂

左遷說為**集覽**岐王**管實**岐州名注見周顯王八年相  
州刺史

郡左遷注見漢  
宣帝元康二年

劉幽求罷以盧懷慎同平章事

資治通鑑綱目卷之四十二



